

SOCIJALDEMOKRATE BOSNE I HERCEGOVINE

Na osnovu članova **13. i 14.** Zakona o političkim organizacijama (Sl.list SR BiH br. 27/91), koji je preuzet i primjenjuje se u Federaciji Bosne i Hercegovine, Osnivačka skupština političke organizacije Socijaldemokrate Bosne i Hercegovine, održana u Tuzli dana 07.09.2019. godine, donosi

S T A T U T

SOCIJALDEMOKRATA BOSNE I HERCEGOVINE

I – UVOD

Član 1.

Politička organizacija Socijaldemokrate Bosne i Hercegovine (u daljem tekstu: SDBiH) je jedinstvena politička organizacija koja djeluje na cijeloj teritoriji Bosne i Hercegovine na osnovama Programa SDBiH (u daljem tekstu: Program) i u skladu sa ovim Statutom. SDBiH je jedinstvena politička multietnička organizacija socijaldemokratske provenijencije.

II – OPĆE ODREDBE

Član 2.

Statutom SDBiH (u daljem tekstu: Statut) se utvrđuju:

- politički ciljevi i način njihovog ostvarivanja;
- naziv i sjedište;
- organizacija SDBiH
- uslovi za učlanjivanje i prestanak članstva, prava, obaveze i odgovornosti članova;
- organi i njihova prava, obaveze i odgovornosti, zastupanje i predstavljanje;
- način sticanja, korištenja i raspoređivanja sredstava;
način obavještanja javnosti o radu i sticanju sredstava
način odlučivanja o udruživanju u saveze i druge oblike udruživanja političkih organizacija
- način donošenja odluke o prestanku rada;
način donošenja odluke o raspolaganju imovinom u slučaju prestanka rada
- koordiniranje i učešće u zakonodavnoj i izvršnoj vlasti,
- druga pitanja od značaja za članstvo i djelovanje.
način donošenja statuta

Član 3.

Ciljevi i zadaci SDBiH su:

- afirmacija i očuvanje suvereniteta, teritorijalnog integriteta i političke nezavisnosti Bosne i Hercegovine u skladu sa međunarodnim pravom;
- zalaganje za uspostavu demokratskog uređenja Bosne i Hercegovine, u skladu sa demokratskim standardima, pravima i slobodama,

- izgradnja BiH kao demokratske države ravnopravnih građana i naroda Bošnjaka, Hrvata, Srba, Ostalih i nacionalnih manjina, na cijelom teritoriju države Bosne i Hercegovine,
- borba protiv svakog oblika nacizma, fašizma, rasizma, šovinizma, nacionalne i vjerske netrpeljivosti, svakog oblika diktature, partiokratije, korupcije i kriminala,
- zalaganje za vladavinu prava na ustavnim i zakonskim načelima,
- izgradnja bosanskohercegovačkog društva na osnovnim vrijednostima evropske socijaldemokracije: slobode, solidarnosti, jednakosti, mira, društvene ravnopravnosti muškarca i žene, pravde i pravičnosti;
- zalaganje za prava radnika, obespravljenih, osoba sa potrebama, nemoćnih i iznemoglih lica
- zalaganje do potpune implementacije povratka svih raseljenih, prognanih i izbjeglih lica,
- zalaganje za nepovredivost privatne imovine,
- uvažavanje, poštovanje i ostvarivanje temeljnih prava i sloboda čovjeka i građanina, u skladu sa međunarodnim konvencijama, neovisno o njegovom svijetonazoru, vjerskoj, nacionalnoj i polnoj pripadnosti, te političkom uvjerenju;
- izgradnja Bosne i Hercegovine kao socijalne, pravne i sekularne države sa punim vjerskim slobodama;
- izgradnja i afirmacija saradnje Bosne i Hercegovine sa susjednim državama na bazi jednakopravnosti, reciprocitetnim odnosima, kao i izgradnja i očuvanje mira i slobode,
- zaštita životne okoline, nacionalnih kulturnih, prirodnih, historijskih reursa, kao i imovine države Bosne i Hercegovine za dobrobit svih njenih građana;
- saradnja sa političkim organizacijama u zemlji i svijetu socijaldemokratske, odnosno demokratske orijentacije, u cilju etabliranja socijalnih i demokratskih vrijednosti u političkim sistemima i društvu u cjelini,
- integracija Bosne i Hercegovine u Evropsku uniju i NATO savez.

Član 4.

SDBiH programske ciljeve ostvaruje na principima i osnovama parlamentarne demokracije, učešćem na parlamentarnim općim i lokalnim izborima, u organima vlasti ili opozicionim djelovanjem, oblikovanjem javnog mnijenja i drugim oblicima parlamentarnog i vanparlamentarnog djelovanja.

Član 5.

SDBiH ima svoj znak i zastavu.

Znak SDBiH je stilizovana ruža crvene boje na bijeloj mat podlozi ispod kojeg stoji natpis: SOCIJALDEMOKRATE BOSNE I HERCEGOVINE ispisan latiničnim ili ćiriličnim pismom.

Zastava je pravougaonog oblika u omjeru 1:2 crvene osnove, sa znakom SDBiH u sredini. Zastava se koristi na svim skupovima koje organizira SDBiH.

Član 6.

SDBiH ima svoj pečat.

Pečat je okruglog oblika, sa znakom SDBiH u sredini, oko koga je latinicom ili ćirilicom ispisano: Socijaldemokrate Bosne i Hercegovine .

Način korištenja, čuvanja i broj pečata utvrđuje Predsjedništvo SDBiH svojom odlukom.

Općinske/gradske, kantonalne/regionalne organizacije SDBiH, kao i centralni organi SDBiH mogu imati svoje pečate, a odluku o izradi, broju, izgledu i zaduženju pečata donosi Predsjedništvo SDBiH.

SDBiH može imati svoju svečanu pjesmu.

Član 7.

Puni naziv političke organizacije glasi: Socijaldemokrate Bosne i Hercegovine.

Skraćeni naziv političke organizacije glasi: SDBiH.

Sjedište SDBiH je u Tuzli, Aleja Alije Izetbegovića 29/VI

Sjedište se može promijeniti odlukom Predsjedništva SDBiH.

Član 8.

SDBiH obilježava državne praznike BiH, posebno dan Državnosti BiH i Dan nezavisnosti BiH .

SDBiH može obilježavati i druge vrste praznika. Način obilježavanja utvrđuje Predsjedništvo SDBiH.

Član 9.

SDBiH može dodjeljivati priznanja i nagrade za doprinos u realizaciji i afirmaciji Programa, ciljeva i djelatnosti SDBiH.

Pravila o priznanjima i nagradama, te način njihove dodjele, na prijedlog Predsjedništva, donosi Glavni odbor.

III ČLANSTVO

Član 10.

Članom SDBiH može postati svaki građanin i/ili državljanin Bosne i Hercegovine, koji prihvata Program i Statut SDBiH. Članstvo u SDBiH teče od dana potvrđivanja pristupnice u gradskoj/općinskoj organizaciji gdje član ima stalno mjesto boravka.

U slučaju da u stalnom mjestu boravka člana nema formirane gradske/općinske organizacije ili nije imenovan Inicijativni odbor za njeno osnivanje, pristupnica člana se čuva i popunjava u Sekretarijatu SDBiH.

Nakon potvrđivanja pristupnice, član se upisuje u evidenciju članstva u matičnoj gradskoj/općinskoj organizaciji, odnosno u Centrali SDBiH.

Pristupanje SDBiH se može izvršiti ličnom popunom i potpisivanjem pristupnice kao i on line načinom.

Gradske/Općinske organizacije dužne su voditi uredne i tačne evidencije broja članova, i iste dostavljati višim organizacionim organima SDBiH.

Član 11.

Evidencija članova vodi se u pisanoj (potpisane pristupnice) i elektronskoj formi.

Oblik i sadržaj pristupnice propisuje Predsjedništvo.

Elektronska baza podataka identična je propisanoj pristupnici SDBiH, a Pravila o načinu i upotrebi baze, i operiranju podataka o članovima SDBiH, donosi Predsjedništvo SDBiH na prijedlog generalnog sekretara.

Elektronska baza podataka članova, koja predstavlja evidenciju članova SDBiH, izrađuje se u tri nivoa:

- općinska/gradska baza podataka,
- Kantonalna/regionalna baza podataka
- centralna baza podataka.

Član 12.

Član SDBiH ima slijedeća prava:

- da učestvuje u kreiranju i ostvarivanju politike SDBiH;
- da bira i da bude biran u organe SDBiH;
- da bude kandidat za predstavničke i izvršne organe vlasti;
- da pokreće inicijative za rad SDBiH i njegovih organa;
- da bude informiran o svim pitanjima i aktivnostima organa SDBiH;
- da javno iskazuje svoje mišljenje.

Član 13.

Članovi SDBiH uživaju punu slobodu vjerskih uvjerenja, uključujući i slobodu od vjere, kao i slobodu iskazivanja vjerskog i nacionalnog identiteta.

Član 14.

Član SDBiH ima slijedeće dužnosti:

- da se pridržava Statuta i Programa SDBiH;
- da se zalaže i aktivno radi na ostvarivanju programskih ciljeva SDBiH;
- da svojim djelovanjem i ponašanjem čuva i jača ugled SDBiH;
- da se teorijski i praktično osposobljava za političko djelovanje;
- da provodi odluke organizacija i organa SDBiH;
- da inicira i učestvuje u aktivnostima SDBiH, i pridobija nove članove SDBiH;
- da redovno plaća članarinu, osim ako je te obaveze oslobođen u propisanom postupku nadležnog organa SDBiH;
- da izvršava druge obaveze u skladu sa odredbama Statuta i odluka organa SDBiH donesenih na osnovu Statuta;

Član 15.

Članstvo u SDBiH prestaje:

- istupanjem člana iz SDBiH (pisanom izjavom ili aktom povrata članske iskaznice);
- brisanjem iz evidencije članstva SDBiH;
- neplaćanjem članarine;
- isključenjem,
- smrću člana.

Član 16.

Članstvo u SDBiH prestaje po automatizmu članu koji se kandiduje na listi druge političke partije ili kao nezavisan kandidat, ako nakon izbora bude izabran u zakonodavne, izvršne ili druge organe vlasti kao kandidat druge partije/stranke ili nezavisni kandidat, ili ako se kao izabrani poslanik/vijećnik proglasi samostalnim poslanikom/vijećnikom ili istupi iz poslaničkog/vijećničkog kluba SDBiH.

Matična gradska/općinska organizacija po automatizmu briše iz evidencije članstva takvog člana. Član koji se na ovaj način izbriše iz evidencije nema pravo na žalbu.

Član 17.

Odluku o brisanju iz evidencije članstva donosi Predsjedništvo gradske/općinske organizacije ukoliko član te matične organizacije krši Program ili Statut SDBiH ili svojim ponašanjem teško narušava ugled SDBiH.

Odluku o brisanju iz evidencije članstva može donijeti i Predsjedništvo SDBiH za:

- bilo kojeg člana SDBiH,
- članove Predsjedništva SDBiH, članove Nadzornog odbora SDBiH i članove Glavnog odbora SDBiH,
- predsjednike, potpredsjednike, sekretare i članove kantonalnih, regionalnih, gradskih, općinskih, mjesnih organa SDBiH, ukoliko član organa SDBiH krši Program, Statut i odluke organa SDBiH, svojim ponašanjem teško narušava ugled SDBiH i svojim postupcima ometa i onemogućava rad i funkcionisanje organa SDBiH.

Odluka o brisanju iz evidencije dostavlja se članu u pismenom obliku sa obrazloženjem.

Član na koga se odnosi odluka ima pravo žalbe na odluku u roku od 15 dana od dana prijema iste, Glavnom odboru SDBiH.

Odluka Glavnog odbora je konačna.

U periodu od dana donošenja odluke o brisanju iz članstva, pa do odluke Glavnog odbora, član se nalazi u fazi suspenzije, odnosno prava i obaveze po osnovu članstva mu miruju. Ukoliko je brisan član istovremeno i član bilo kojeg organa SDBiH na bilo kojem nivou, članstvo u tom organu mu također miruje.

Odluku o brisanju iz evidencije za predsjednika i/ili potpredsjednika SDBiH, predsjednika Nadzornog odbora SDBiH, generalnog sekretara SDBiH, predsjednika i/ili potpredsjednike Glavnog odbora SDBiH, donosi Glavni odbor.

Član može, u roku od 15 dana od dana prijema odluke o brisanju iz evidencije od strane Glavnog odbora, podnijeti žalbu Kongresu SDBiH.

Odluka Kongresa SDBiH po žalbi je konačna.

U periodu od dana donošenja odluke o brisanju iz članstva od strane Glavnog odbora, pa do odluke Kongresa, član se nalazi u fazi suspenzije, odnosno prava i obaveze po osnovu članstva mu miruju.

Član 18.

Svaki član obavezan je plaćati članarinu u skladu sa Pravilima o visini i načinu plaćanja članarine, /Pravilnikom o članarini/ koji na prijedlog Predsjedništva SDBiH donosi Glavni odbor SDBiH.

Pravilima iz prethodnog stava određene kategorije se mogu osloboditi plaćanja članarine.

Ukoliko član uzastopno 12 mjeseci ne plati članarinu, član se briše iz članstva SDBiH u matičnoj općinskoj/gradskoj organizaciji.

Izuzetno od prethodnog stava su članovi koji su u skladu sa stavom 2. ovog člana oslobođeni plaćanja članarine.

IV – ODNOSI U SDBiH

Član 19.

Odnosi članstva, organizacija i organa SDBiH izgrađuju se na principima međusobnog uvažavanja, poštovanja, tolerancije i drugarstva.

Demokratski princip je osnovno načelo za utvrđivanje politike SDBiH i djelovanje organizacija, organa i tijela SDBiH.

Sve funkcije u SDBiH jednako su dostupne svim članovima bez obzira na spolnu, vjersku, etničku, jezičku ili bilo koju drugu pripadnost, odnosno različitost.

U SDBiH je dozvoljeno pravo na iskazivanje manjinskog mišljenja, ukoliko ono nije u suprotnosti sa ciljevima i programskim zadacima SDBiH.

Član 20.

U aktivnostima SDBiH na svim nivoima organiziranja i oblicima djelovanja, mogu učestvovati i simpatizeri SDBiH, bez prava odlučivanja.

Član 21.

Rad organa, organizacija i tijela SDBiH je u pravilu javan.

Javnost rada i djelovanja članstva, organizacija, organa i SDBiH u cjelini osigurava se organiziranjem javnih skupova, tribina, okruglih stolova, putem sredstava javnog informiranja, službenih izjava funkcionera SDBiH i na druge načine.

Zvanična saopćenja i podatke o politici i aktivnosti SDBiH, mogu davati samo centralni organi SDBiH.

Teritorijalne organizacije mogu davati javna saopćenja i podatke, u okviru njihove utvrđene nadležnosti po ovom Statutu.

Član 22.

Organizacije i organi SDBiH mogu raspravljati i odlučivati bez prisustva javnosti o unutar partijskim pitanjima, kao i o drugim političkim pitanjima koja predstavljaju službenu ili poslovnu tajnu.

Član 23.

Glasanje u organima i tijelima SDBiH i svim organima teritorijalnih organizacija u pravilu je javno.

Organi i tijela mogu odlučiti da se o pojedinim pitanjima glasa i tajno.

Izbor članova u organe SDBiH vrši se javnim ili tajnim glasanjem.

V ORGANIZACIONA STRUKTURA SDBiH

Član 24.

SDBiH se organizira na teritorijalnom načelu.

Članstvo SDBiH teritorijalno se organizira u slijedeće osnovne oblike:

- Socijaldemokrate Bosne i Hercegovine;
- Kantonalne/regionalne organizacije SDBiH;
- Gradske/općinske organizacije SDBiH;
- Mjesne organizacije SDBiH;

U mjestima, mjesnim zajednicama, općinama, gradovima, kantonima/regijama gdje nisu formirane organizacije SDBiH djeluju povjerenici, odnosno povjerenstva SDBiH.

Predsjedništvo SDBiH može posebnom odlukom, kada se ukaže potreba za donošenje iste, spojiti više Kantonalnih/ regionalnih i više gradskih/općinskih organizacija u jednu organizacionu cjelinu.

Član 25.

U sklopu organizacije SDBiH mogu se formirati savjeti, projektne radne grupe i drugi oblici koji povezuju socijalne i interesne grupacije ili pojedinci-članovi, simpatizeri SDBiH u dijaspori, nezaposleni, borci, zdravstveni radnici, poslodavci, radnici u oblasti obrazovanja i kulture i drugi. Odluku o formiranju interesnih oblika donosi odgovarajući odbor. Svi interesni oblici djeluju u skladu sa programskim opredjeljenjima i statutarnim odredbama SDBiH.

Član 26.

U SDBiH, na državnom, gradskom/općinskom i mjesnom nivou djeluju posebne interesne organizacije članova i simpatizera SDBiH, pod sljedećim nazivima:

- Forum mladih SDBiH;
- Forum žena SDBiH;
- Forum seniora SDBiH;

Predsjedništvo SDBiH donosi odluku o organiziranju navedenih posebnih interesnih organizacija u SDBiH.

Navedene interesne organizacije donose odluke kojima bliže uređuju način svoga djelovanja i osnivanja interesnih oblika.

Članovi interesnih organizacija mogu biti i građani koji nisu članovi SDBiH ako prihvataju programska usmjerenja i političke ciljeve.

VI ORGANI SDBiH

Član 27.

Centralni organi SDBiH su:

- Kongres;
- Glavni odbor;
- Predsjedništvo;
- Predsjednik;
- Nadzorni odbor.

Centralni organi donose poslovnike o svome radu, kojima se propisuju načini rada, sazivanja sjednica, odlučivanja, ovlaštenja i sva druga pitanja vezana za rad organa i njihovih sjednica. Poslovnici se ne mogu propisati veće nadležnosti za centralne organe, od nadležnosti koje su im propisane ovim Statutom.

VI 1. KONGRES SDBiH

Član 28.

Kongres je najviši organ odlučivanja u SDBiH.

Kongres čine delegati Kongresa.

Način izbora i broj delegata Kongresa, propisuje se Odlukom o načinu izbora i broja delegata Kongresa koju donosi Glavni odbor SDBiH, na prijedlog Predsjedništva SDBiH.

U odluci iz prethodnog stava ovog člana mora biti tačno definiran ukupan broj delegata Kongresa.

Član 29.

Delegati Kongresa po funkciji su:

- Članovi Glavnog odbora SDBiH u koji su uključeni svi članovi Predsjedništva SDBiH;

Delegati Kongresa po funkciji su i izabrani predstavnici SDBiH u:

- Izabrani zastupnici SDBiH u Parlamentarnoj Skupštini Bosne i Hercegovine;
- Izabrani zastupnici SDBiH u Parlamentu Federacije Bosne i Hercegovine (oba Doma);
- Izabrani zastupnici SDBiH u Parlamentu Republike Srpske;
- Zastupnici SDBiH izabrani u skupštinama kantona u Federaciji BiH,
- Izabrani gradonačelnici/načelnici općina ispred SDBiH, ukoliko im traje mandat u pobrojanim organima javne vlasti na dan kada je zakazano održavanje Kongresa SDBiH.

Član 30.

Delegati Kongresa biraju gradske/općinske organizacije.

Član 31.

Na Kongres se, bez prava glasa, obavezno pozivaju vijećnici/odbornici izabrani u općinskim/gradskim vijećima u BiH, Brčko Distrikta, predsjednici gradskih/općinskih i kantonalnih/regionalnih organizacija SDBiH, ministri/premijeri kadrovi SDBiH u vladama kantona, entiteta i Vijeća ministara BiH, predsjednici interesno-političkih organizacija SDBiH, kao i drugi gosti koje odredi Predsjedništvo ili Glavni odbor SDBiH.

Član 32.

- Kongres je nadležan da:
- donosi i mijenja Statut i Program SDBiH;
- donosi opće i pojedinačne akte koje se odnose na rad Kongresa SDBiH;
- utvrđuje Dnevni red Kongresa;
- donosi Poslovnik o radu Kongresa;
- donosi odluke o prijedlozima i žalbama upućenim Kongresu;
- donosi rezolucije i druga akta iz svoje nadležnosti;
- odlučuje o usvajanju izvještaja o radu centralnih organa SDBiH između dva Kongresa;
- bira i razrješava predsjednika i članove Nadzornog odbora SDBiH
- Bira članove Glavnog odbora SDBiH,
- Bira predsjednika SDBiH
- odlučuje o prestanku rada SDBiH;
- odlučuje o raspodjeli imovine u slučaju prestanka rada SDBiH;
- odlučuje o povjerenju predsjedniku SDBiH, te o raspuštanju Glavnog i Nadzornog odbora;
- razmatra druga pitanja vezana za djelovanje SDBiH.

Član 33.

Izbor članova Glavnog odbora, Nadzornog odbora i predsjednika SDBiH vrši se javnim ili tajnim glasanjem.

Najmanje jedna trećina registriranih/verifikovanih delegata može i na samom Kongresu da podnese dopunski prijedlog kandidata za predsjednika SDBiH, člana Glavnog odbora i člana Nadzornog odbora SDBiH.

Za članove Glavnog odbora SDBiH izabrani su oni kandidati koji su dobili najveći broj glasova u skladu sa kriterijima propisanim za izbor članova Glavnog odbora.

Za članove Nadzornog odbora SD BiH izabrani su oni kandidati koji su dobili najveći broj glasova u skladu sa Poslovníkom.

Za predsjednika SDBiH izabran je kandidat koji je dobio natpolovičnu većinu od broja prisutnih registriranih/verifikovanih delegata Kongresa.

Član 34.

Kongres SDBiH može biti redovni i vanredni.

Član 35.

Redovni Kongres SDBiH, koji je izborno-izvještajni, u pravilu se održava svake četiri (4) godine nakon održanih općih izbora u BiH.

Odluku o održavanju redovnog Kongresa donosi Glavni odbor i to najmanje 60 dana prije dana održavanja Kongresa.

Odluka o održavanju Kongresa obavezno sadrži datum i mjesto održavanja Kongresa, kao i način izbora delegata Kongresa i njihov broj.

Nakon odluke iz prethodnog stava ili na istoj sjednici, a najduže u roku od 45 dana, Glavni odbor SDBiH, na prijedlog Predsjedništva dužan je donijeti i:

1. Prijedlog Dnevnog reda Kongresa,
2. Prijedlog Poslovnika o radu Kongresa
3. Prijedlog odluke o kriterijima za izbor članova organa SDBiH koje bira Kongres, kao i sve druge materijale po predloženom dnevnom redu Kongresa.

Prijedlog dnevnog reda, dokumenata i drugih materijala za Kongres dostavljaju se delegatima Kongresa, najkasnije 10 dana prije utvrđenog datuma održavanja Kongresa.

Član 36.

Kongres punovažno odlučuje ako je prisutno najmanje natpolovičan broj od ukupno utvrđenog broja delegata Kongresa.

Kongres vrši provjeru legitimacije delegata putem Verifikacione komisije, obavlja izbor radnog rukovodstva i donosi Poslovnik o radu Kongresa SDBiH.

Kongres donosi odluke većinom glasova registriranih/verifikovanih delegata Kongresa.

Kongres dvotrećinskom većinom prisutnih delegata odlučuje o: Programu i Statutu SDBiH, odluci o prestanku rada SDBiH i ujedinjenju sa drugom ili drugim političkim organizacijama.

Član 37.

Održavanje Vanrednog kongresa SDBiH mogu inicirati: Glavni odbor SDBiH dvotrećinskom većinom (2/3) od ukupnog broja članova Glavnog odbora, jedna trećina (1/3) od ukupnog broja kantonalnih/regionalnih organizacija i predsjednik SDBiH u situacijama kada je to neophodno zbog: izuzetnih/vanrednih prilika u državi Bosni i Hercegovini ili u SDBiH.

Član 38.

Vanredni kongres SDBiH mora se sazvati tri sedmice prije njegovog održavanja.

Prijedlozi odluka i drugih dokumenata za Vanredni kongres SDBiH dostavljaju se delegatima najmanje pet dana prije održavanja Kongresa.

Vanredni kongres radi po proceduri redovnog kongresa.

VI 2. GLAVNI ODBOR SDBiH

Član 39.

Glavni odbor SDBiH je najviši organ SDBiH između dva Kongresa.

Članove PRVOG SAZIVA Glavnog odbora bira Osnivačka skupština na prijedlog Inicijativnog odbora za osnivanje SDBiH. Mandat članova Glavnog odbora SDBiH iz prvog saziva traje do izbora članova Glavnog odbora na sljedećem redovnom Kongresu koji se u pravilu održava nakon provedenih općih izbora u BiH.

Glavni odbor SDBiH broji najmanje 80 članova koje bira Kongres SDBiH.

Izbor članova Glavnog odbora se vrši na osnovu kriterija utvrđenih posebnom Odlukom o načinu izbora, broju i strukturi članova koji se biraju za Glavni odbor i to po nacionalnom sastavu, polnoj, dobnoj i teritorijalnoj zastupljenosti.

Najvažniji kriterij za svaku općinsku/gradsku i kantonalnu/regionalnu organizaciju u ovom smislu predstavlja izborni rezultat ostvaren na posljednjim lokalnim ili opštim izborima, ovisno koji su izbori zadnji provedeni.

Osam općinskih/gradskih i dvije kantonalne/regionalne organizacije, koje su ostvarile najbolji izborni rezultat u apsolutnom broju i koeficijentu, direktno biraju 30% članova Glavnog odbora SDBiH u skladu sa kriterijima utvrđenim odlukom Glavnog odbora.

Ostalih 70% članova Glavnog odbora biraju se iz reda delegata Kongresa tajnim glasanjem na način i po postupku koji se uređuje posebnom odlukom Glavnog odbora i Poslovníkom Kongresa SDBiH.

Punopravni članovi Glavnog odbora po funkciji su: predsjednici kantonalnih/regionalnih organizacija i predsjednici interesno-političkih organizacija SDBiH.

Prilikom izbora članova Glavnog odbora koje bira Kongres, treba se voditi računa i o nacionalnoj i spolnoj strukturi članova Glavnog odbora.

Prvu sjednicu novoizabranog Glavnog odbora saziva predsjednik SDBiH.

Članovi Glavnog odbora biraju se na period od četiri godine.

Ako između dva Kongresa član Glavnog odbora ne može obavljati svoju dužnost, Glavni odbor može na njegovo mjesto izabrati novog člana. Broj novih članova Glavnog odbora između dva Kongresa ne može biti veći od 35% ukupnog broja izabranih članova Glavnog odbora. Izbor novih članova Glavnog odbora vrši Glavni odbor na prijedlog Predsjedništva SDBiH.

Odredbe prethodnog stava koje se odnose na izbor novih članova Glavnog odbora primjenjuju se i na kantonalne/regionalne, te gradske/općinske i mjesne organizacije SDBiH.

Član 40.

Nadležnosti Glavnog odbora SDBiH su:

- utvrđuje prijedlog Programa i Statuta SDBiH, kao i njihovih izmjena i dopuna u skladu sa Kongresnim odlukama i zaključcima;
- donosi odluke i opće akte određene ovim Statutom;
- donosi Poslovník o svom radu,
- natpolovičnom većinom članova Glavnog odbora bira predsjednika i najmanje dva (2) a najviše četiri (4) potpredsjednika Glavnog odbora vodeći računa o nacionalnoj, polnoj i dobnoj zastupljenosti,
- natpolovičnom većinom bira i razrješava minimalno četiri (4), a najviše osam (8) potpredsjednika SDBiH, generalnog sekretara SDBiH i najmanje osam (8) a najviše petnaest (15) članova Predsjedništva SDBiH,
- odlučuje o licima za predstavljanje i zastupanje SDBiH, u skladu sa odredbama ovog Statuta,
- donosi odluku o održavanju Kongresa,
- donosi odluku o održavanju Vanrednog kongresa,
- utvrđuje prijedloge kongresnih dokumenata;
- utvrđuje političke stavove, smjernice i druge dokumente SDBiH o političkim, ekonomskim i socijalnim pitanjima vezanim za rad SDBiH,

- na prijedlog Predsjedništva utvrđuje kriterije za izbor kandidata za sve organe SD BiH,
- utvrđuje liste kandidata za organe SDBiH koje bira Kongres;
- donosi Izborni program i izbornu strategiju;
- usvaja Etički kodeks SDBiH;
- razmatra Statutarne prigovore od strane svih organa, tijela i organizacija SDBiH, kao i žalbe koje se odnose na brisanje iz članstva SDBiH u skladu sa ovim Statutom;
- razmatra i utvrđuje izborne liste SDBiH za: Parlamentarnu Skupštinu BiH, članove/člana Predsjedništva BiH, Parlament Federacije BiH i Narodnu skupštinu Republike Srpske;
- analizira izbornu aktivnost i rezultate izbora;
- donosi, u vanrednim prilikama, akt statutarnog važenja kojim se utvrđuje organizacija i djelatnostu do prestanka vanrednih prilika;
- na prijedlog Predsjedništva donosi odluke o predizbornim i postizbornim koalicijama sa drugim političkim subjektima za nivo Entiteta i Države BiH;
- dvotrećinskom većinom odlučuje o tumačenju Statuta,
- donosi odluke o članstvu SDBiH u međunarodnim asocijacijama;
- razmatra i usvaja Godišnji program rada Glavnog odbora i Finansijski plan SDBiH za kalendarsku godinu;
- razmatra i usvaja Godišnji izvještaj o radu Glavnog odbora, Nadzornog odbora SDBiH, i godišnje izvještaje o finansijskom poslovanju SDBiH,
- odlučuje o formiranju preduzeća ili drugih oblika za obavljanje privrednih ili drugih djelatnosti SDBiH u skladu sa Zakonom i Statutom;
- na prijedlog Predsjedništva usvaja Odluku o odlikovanjima i nagradama u SDBiH,
- donosi statutarne odluke koje se odnose na određene izmjene i dopune statuta koje bitno utiču na rad SDBiH između dva kongresa,
- odlučuje o izboru novih članova Glavnog odbora, zamjeni članova Glavnog odbora po zahtjevima općinskih organizacija, kao i o suspenziji članova Glavnog odbora u skladu sa odgovarajućom procedurom koju utvrdi Glavni odbor i Statutom,
- Odlučuje o raspuštanju kantonalnih/ regionalnih i općinskih/ gradskih organizacija na prijedlog Predsjedništva SDBiH,
- Glavni odbor može u vanrednim situacijama donijeti odluku o vanrednim prilikama u SDBiH i u tom slučaju Glavni odbor može donositi odluke iz nadležnosti Kongresa, izuzev odluke o prestanku rada SDBiH.

Član 41.

Predsjednik SDBiH saziva Konstituirajuću sjednicu Glavnog odbora SDBiH u roku od 30 dana, od dana izbora, i njom rukovodi do izbora predsjednika Glavnog odbora.

Sjednice saziva i radom Glavnog odbora SDBiH rukovodi predsjednik Glavnog odbora SDBiH. U slučaju njegove spriječenosti sjednicu može sazvati jedan od potpredsjednika Glavnog odbora SDBiH.

Na zahtjev Predsjedništva, Predsjednika ili jedne trećine (1/3) članova Glavnog odbora SDBiH, predsjednik Glavnog odbora SDBiH dužan je sazvati hitnu sjednicu Glavnog odbora SDBiH i na dnevni red staviti pitanja koja su podnositelji zahtjeva tražili.

Ukoliko predsjednik Glavnog odbora SDBiH ne sazove sjednicu u roku od sedam (7) dana, sjednicu saziva ovlašteni predstavnik podnositelja zahtjeva, koji predlaže dnevni red i predsjedava sjednicom.

Član 42.

Glavni odbor SDBiH radi u sjednicama.

Sjednice Glavnog odbora SDBiH mogu biti redovne i hitne, a po potrebi se mogu održavati svečane i komemorativne sjednice, što se reguliše poslovníkom o radu Glavnog odbora.

Član 43.

U radu Glavnog odbora SDBiH, po potrebi, mogu učestvovati predsjednici gradskih/općinskih organizacija SDBiH bez prava odlučivanja.

Član 44.

Članovi Glavnog odbora biraju se na period od četiri godine
Ukoliko član Glavnog odbora po funkciji, za vrijeme trajanja mandata članstva u Glavnom odboru, istupi iz SDBiH ili se odlukom bilo kojeg organa ili organizacije SDBiH briše iz članstva SDBiH, umjesto njega se bira drugi član na prijedlog organizacije iz koje je bio član koji se mijenja.

Član 45.

Sjednice Glavnog odbora održavaju se najmanje jednom u četiri mjeseca.
Glavni odbor punovažno odlučuje ako sjednici prisustvuje natpolovična većina ukupnog broja članova Glavnog odbora, a odluke donosi natpolovičnom većinom prisutnih članova.
Ukoliko ovim Statutom nije drugačije uređeno, odredba iz prethodnog stava primjenjuje se kod odlučivanja u svim organima SDBiH na svim nivoima organizovanja.

Član 46.

Ukoliko pojedini članovi Glavnog odbora ne izvršavaju svoje obaveze i postavljene zadatke u skladu sa zaključcima i odlukama Glavnog odbora, ili tri puta neopravdano izostanu sa sjednice Glavnog odbora, Glavni odbor može donijeti odluku o zamjeni i izboru novih članova Glavnog odbora.

Član 47.

Sve administrativno-tehničke i operativne poslove vezane za sazivanje, održavanje sjednica, distribuciju i pripremu materijala, za potrebe Glavnog odbora obavlja Sekretarijat SDBiH, putem generalnog sekretara.
Sve odluke, zaključci, dokumenti i akti koje donese Glavni odbor, dostavljaju se organima i tijelima SDBiH u svim općinskim/gradskim i kantonalnim/regionalnim organizacijama SDBiH i obavezujući su za iste.
Za nadzor i praćenje provođenja donošenih odluka Glavnog odbora zadužen je generalni sekretar SDBiH.

Član 48.

Sva druga pitanja koja se odnose na rad Glavnog odbora, a nisu definisana ovim Statutom, definisaće se Poslovníkom o radu Glavnog odbora ili zaključcima Glavnog odbora na samoj sjednici.

VI 3. PREDSJEDNIŠTVO SDBiH

Član 49.

Predsjedništvo SDBiH je izvršno-politički organ SDBiH.
Glavni odbor SDBiH, na svojoj konstituirajućoj sjednici bira: najmanje četiri (4), a najviše osam (8) potpredsjednika, generalnog sekretara i najmanje osam (8) a najviše petnaest (15) članova Predsjedništva SDBiH.
Predsjednik SDBiH je po položaju predsjednik Predsjedništva SDBiH.

Predsjedništvo SDBiH čine: Presjednik SDBiH, potpredsjednici, generalni sekretar i izabrani članovi Predsjedništva SDBiH.

Odlukom Glavnog odbora, Predsjedništvo se može proširiti najviše za pet (5) članova.

Članovi Predsjedništva SDBiH mogu se zadužiti za određena područja rada i realizaciju usvojenih zaključaka, odluka i drugih akata koje usvoje organi SDBiH na državnom nivou.

Član 50.

Nadležnosti Predsjedništva SDBiH su:

- Provodi Program SDBiH, odluke i stavove Kongresa SDBiH i Glavnog odbora SDBiH,
- upravlja SDBiH između dvije sjednice Glavnog odbora SDBiH,
- donosi Poslovnik o radu Predsjedništva SDBiH;
- donosi odluke, zaključke, te zauzima stavove o aktuelnim političkim i drugim pitanjima;
- raspravlja o potrebi izmjena Programa i Statuta SDBiH i utvrđuje njihov nacrt;
- donosi odluke i opće akte određene ovim Statutom, kao i prijedloge općih akata SDBiH koje usvaja Glavni odbor ili Kongres SDBiH;
- u hitnijim slučajevima može donositi odluke iz nadležnosti Glavnog odbora koje je dužno podnijeti na odobrenje na prvoj narednoj sjednici Glavnog odbora SDBiH,
- brine o informiranju unutar SDBiH,
- donosi odluke o upravljanju imovinom SDBiH,
- utvrđuje prijedlog Pravilnika o kriterijima i načinu kandidovanja za izbore;
- utvrđuje prijedlog Godišnjeg finansijskog plana poslovanja SDBiH i nakon usvajanja na sjednici Glavnog odbora stara se o njegovom provođenju,
- imenuje izborni štab SDBiH za opće i lokalne izbore;
- utvrđuje prijedlog izbornih lista SDBiH za: Parlamentarnu Skupštinu BiH, Predsjedništvo BiH, Parlament Federacije BiH i Narodnu skupštinu Republike Srpske;
- razmatra sva pitanja i donosi odluke i smjernice političke prirode o radu zastupnika i ministara SDBiH na nivou Bosne i Hercegovine i entiteta;
- na prijedlog generalnog sekretara donosi Prijedlog pravilnika o unutrašnjoj organizaciji i radu Sekretarijata;
- koordinira rad kluba poslanika SDBiH i nosilaca funkcija u izvršnoj i zakonodavnoj vlasti BiH, Federacije BiH i Republike Srpske u cilju ostvarivanja politike SDBiH, uz učešće predstavnika kantonalnih/regionalnih odbora SDBiH,
- formira svoja radna tijela u skladu sa ovim Statutom;
- odlučuje o kandidatima SDBiH za premijere/ministre SDBiH za nivoe entiteta i države BiH,
- brine o kadrovskoj politici i potvrđuje kandidate SDBiH u organe i tijela u zakonodavnim, izvršnim organima, javnim ustanovama, javnim preduzećima izvanbudžetskim fondovima, agencijama, upravnim ustanovama i sl. na nivou Bosne i Hercegovine, Federacije Bosne i Hercegovine, Republike Srpske,
- donosi Godišnji program rada i operativne planove Predsjedništva SDBiH, vodi finansijsku politiku i predlaže Godišnji finansijski plan SDBiH;
- provodi odluke i naloge Glavnog odbora i Kongresa SDBiH,
- odlučuje o imenovanju povjereništava SDBiH u gradovima/općinama i kantonima gdje nisu uspostavljene organizacije SDBiH,
- Predlaže raspuštanje kantonalnih/regionalnih, gradskih/općinskih organizacija ili pojedinih organa unutar ovih organizacija u skladu sa ovim Statutom,
- razmatra društvenu, ekonomsku, političku, sigurnosnu situaciju u BiH, entitetima i kantonima i donosi odgovarajuće smjernice, odluke i zaključke,
- razmatra i analizira aktivnosti i rad kantonalnih/regionalnih, gradskih/općinskih organizacija SDBiH te donosi odgovarajuće prijedloge mjera i aktivnosti,
- predlaže predizborne i postizborne koalicije ili druge vrste političkih saveza sa drugim političkim organizacijama i nezavisnim listama za nivoe entiteta i države,
- daje saglasnost za predizborne ili postizborne koalicije na nivou općine/grada te kantona,

- donosi odluke o opozivu premijera ili ministara SDBiH u Vijeću ministara, Vladi FBiH i/ili Vladi RS, kao i opozivu direktora drugih javnih službi, organizacija i/ili preduzeća gdje su imenovani kadrovi SDBiH na nivou BiH i entiteta,
- donosi pravila i procedure, kao i strategiju za javne nastupe, kao i opće političke dokumente koji su okvir za javne nastupe predstavnika SDBiH na svim nivoima organizovanja,
- donosi prijedlog odluka o nepovjerenju potpredsjednicima, generalnom sekretaru i članovima Predsjedništva SDBiH, i upućuje ih na razmatranje Glavnom odboru,
- odlučuje o uspostavi teritorijalnih i interesnih organizacija SDBiH,
- usvaja Pravilnik o unutrašnjoj organizaciji i radu sekretarijata SDBiH,
- donosi Pravilnik o članarini i članstvu SDBiH,
- utvrđuje politiku upravljanja imovinom SDBiH,
- donosi odluku o organizovanju i djelovanju u inozemstvu,
- formira i imenuje savjete u skladu sa potrebama SDBiH, a njihov broj i način rada regulira posebnim aktom,
- obavlja poslove i aktivnosti koje mu u nadležnost prenese Glavni odbor i Kongres SDBiH,
- obavlja i sve ostale poslove koji nisu u nadležnosti drugih organa SDBiH na državnom nivou, u skladu sa Statutom.

Član 51.

Predsjedništvo SDBiH, na prijedlog generalnog sekretara, može donijeti prijedlog odluke o raspuštanju općinskih/gradskih, kantonalnih/regionalnih i političko-interesnih organizacija SDBiH, kao i odluku o poništavanju izbora provedenih u nižim nivoima organizovanja SDBiH.

Prijedlog generalnog sekretara mora biti zasnovan na prethodno utvrđenom činjeničnom stanju, u pisanoj formi i obrazložen.

Predsjedništvo SDBiH prijedlog odluke o raspuštanju općinskih, gradskih, kantonalnih/regionalnih organizacija i političko-interesnih organizacija može donijeti u slučajevima:

- prestanka njihovog rada čime se ugrožavaju njihovi programski i politički ciljevi,
- neprovođenja odluka, zaključaka i drugih pravopolitičkih akata organa SDBiH,
- zastoja u njihovom radu kojim se ugrožavaju djelovanje organizacije SDBiH, kao i njeni programski i politički ciljevi,
- djelovanja koje je suprotno osnovnim političkim i programskim ciljevima,
- zbog loših izbornih rezultata na zadnje provedenim izborima u BiH.

Na prijedlog Predsjedništva Odluku o raspuštanju organa u organizaciji SDBiH donosi Glavni odbor na prvoj narednoj sjednici, najkasnije 30 dana od dostavljanja Prijedloga odluke.

Članovi raspuštene organizacije imaju pravo žalbe Glavnom odboru SDBiH čija je odluka konačna.

U vanrednim okolnostima, zbog teških posljedica koje mogu nanijeti veliku štetu SDBiH, Predsjedništvo može raspustiti određenu organizaciju.

Odluka o raspuštanju mora biti potvrđena na Glavnom odboru ne kasnije od 30 dana od dana donošenja Odluke Predsjedništva. Do donošenja odluke Glavnog odbora prava i obaveze članova rukovodstva raspuštene organizacije miruju.

Član 52.

Predsjedništvo SDBiH odluku o poništavanju izbora organa općinskih/gradskih, kantonalnih/regionalnih organizacija SDBiH i političko-interesnih organizacija može donijeti u slučaju kada se utvrdi da izbor nije izvršen u skladu sa Statutom SDBiH i odlukama organa SDBiH.

Protiv ove odluke organ čiji je izbor poništen u roku od osam (8) dana može podnijeti zahtjev za preispitivanje statutarnosti odluke Nadzornom odboru SDBiH koji je dužan u roku od petnaest (15) dana donijeti odluku.

Odluka Nadzornog odbora je konačna.

Član 53.

Predsjedništvo SDBiH prilikom raspuštanja organizacija i organa, odnosno poništavanja izbora organa dužno je donijeti mjere kojim se osigurava funkcionisanje organizacije, organa ili interesnog oblika organizovanja u skladu sa Statutom SDBiH, te utvrditi obaveze viših nivoa organizovanja u tom procesu.

Do izbora novih organa Predsjedništvo SDBiH imenuje povjerenika sa zadatkom da u roku od 60 dana organizira izbornu konferenciju radi izbora novih organa.

Član 54.

Ukoliko članovi Predsjedništva ne izvršavaju svoje obaveze i postavljene zadatke u skladu sa Statutom i Poslovníkom, ili tri puta uzastopno neopravdano izostanu sa sjednice Predsjedništva, Glavni odbor će donijeti odluku o zamjeni i izboru novih članova Predsjedništva, na prijedlog Predsjednika SDBiH.

Član 55.

U okviru Predsjedništva SDBiH formira se Kolegij Predsjedništva SDBiH kojeg čine: predsjednik, potpredsjednici i generalni sekretar SDBiH.

U hitnim slučajevima Kolegij Predsjedništva SDBiH može donositi odluke i zaključke iz nadležnosti Predsjedništva i iste podnosi na verifikaciju na prvoj slijedećoj sjednici Predsjedništva SDBiH.

Član 56.

Sjednice Predsjedništva se, u pravilu, održavaju jednom mjesečno, a saziva ih predsjednik SDBiH. U slučaju odsutnosti ili spriječenosti predsjednika, sjednicu saziva jedan od potpredsjednika kojeg predsjednik ovlasti na način utvrđen Poslovníkom.

Na sjednicama se vode zapisnici o čemu se stara generalni sekretar.

Zapisnici se dostavljaju svim članovima Predsjedništva.

VI. 4. PREDSJEDNIK SDBiH

Član 57.

Predsjednika SDBiH bira Kongres SDBiH.

Predsjednik SDBiH rukovodi SDBiH i stara se o provođenju odluka Kongresa SDBiH.

Mandat Predsjednika SDBiH traje četiri godine.

Predsjednik SDBiH upravlja SDBiH između dvije sjednice Predsjedništva SDBiH.

Kandidate za Predsjednika SDBiH predlaže Glavni odbor SDBiH ili najmanje jedna trećina delegata Kongresa SDBiH.

Za Predsjednika SDBiH je izabran kandidat koji dobije natpolovičnu većinu glasova prisutnih delegata Kongresa.

Ako nijedan kandidat ne dobije potrebnu većinu, izbor se ponavlja između dva kandidata koji su dobili najviše glasova. Izabran je kandidat koji u drugom krugu dobije više glasova.

U slučaju odsutnosti, Predsjednika SDBiH zamjenjuje jedan od potpredsjednika SDBiH koga Predsjednik SDBiH ovlasti.

Član 58.

Predsjednik SDBiH:

- predstavlja i zastupa u javnom, političkom životu i pravnom prometu, u skladu sa Statutom i Programom SD BiH;
- osigurava jedinstvo djelovanja svih organa SDBiH;
- saziva sjednice Predsjedništva i rukovodi radom Predsjedništva SDBiH i Kolegija Predsjedništva SDBiH;
- u hitnim slučajevima, uz saglasnost Kolegija Predsjedništva, može donositi političke odluke iz nadležnosti Predsjedništva SDBiH, s obavezom da na prvoj narednoj sjednici Predsjedništva SDBiH verifikuje te odluke;
- u slučaju hitnosti, Predsjednik SDBiH ima ovlasti sazvati hitnu sjednicu Predsjedništva i predložiti dnevni red hitne sjednice;
- predlaže Glavnom odboru održavanje Vanrednog Kongresa SDBiH saglasno Statutu SDBiH, kada je to neophodno zbog društvenih ili političkih okolnosti u BiH ili u SDBiH;
- saziva, prema potrebi, predsjednike kantonalnih/regionalnih, gradskih/općinskih organizacija radi dogovaranja efikasnijeg provođenja politike SDBiH;
- obavlja i druge poslove u skladu sa Statutom SDBiH;

Član 59.

Predsjednik SDBiH može prije isteka mandata podnijeti ostavku uz obrazloženje.

U slučaju ostavke Predsjednika SDBiH ili ukoliko Predsjednik SDBiH bude višom silom spriječen da obavlja funkciju, zamjenjuje ga jedan od potpredsjednika kao vršilac dužnosti Predsjednika SDBiH.

Vršilac dužnosti obavlja dužnost Predsjednika do održavanja Kongresa SDBiH, koji se iz ovih razloga mora sazvati i održati najkasnije u roku od 60 dana, po proceduri održavanja redovnog Kongresa.

Član 60.

Ako Predsjednik SDBiH bude izabran za člana Predsjedništva BiH, po automatizmu mu, na dan potvrđivanja izbora prestaje mandat Predsjednika SDBiH i zamrzava se članstvo u SDBiH.

U slučaju iz stava 1. ovog člana funkciju Predsjednika SDBiH obavlja jedan od potpredsjednika SDBiH kojeg imenuje Glavni odbor većinom prisutnih članova i mandat vršioca dužnosti predsjednika traje mu do održavanja redovnog Kongresa Predsjednika SDBiH.

Član 61.

Na prijedlog Glavnog odbora ili jedne trećine (1/3) delegata Kongresa može se na Kongresu pokrenuti pitanje povjerenja Predsjedniku SDBiH.

Glasanje o povjerenju može tražiti i sam Predsjednik SDBiH.

Odluka o izglasavanju nepovjerenja je donesena ako je za nju glasala većina prisutnih delegata Kongresa SDBiH.

Ako se izglasa nepovjerenje Predsjedniku SDBiH, prestaje mu mandat u trenutku izglasavanja nepovjerenja.

VI.4. A POTPREDSJEDNICI SDBiH

Član 62.

SDBiH ima najmanje četiri, a najviše osam potpredsjednika, a bira ih Glavni odbor na četiri godine.

Za potpredsjednike izabrat će se oni kandidati koji dobiju natpolovičnu većinu glasova članova Glavnog odbora.

Potpredsjednici SDBiH su ujedno potpredsjednici Predsjedništva SDBiH.

Najmanje dva potpredsjednika SDBiH moraju biti iz drugog konstitutivnog naroda u odnosu na Predsjednika SDBiH. Ukoliko je Predsjednik muškog spola najmanje jedan potpredsjednik mora biti ženskog spola i obratno.

Potpredsjednici i članovi Predsjedništva obavezni su aktivno učestvovati u radu, predlaganju inicijativa i provođenju odluka i zaključaka Predsjedništva SDBiH i pomagati u radu Predsjedniku SDBiH.

Potpredsjednici SDBiH se zadužuju za pojedina područja ostvarivanja programske orijentacije SDBiH te za realizaciju odluka i zaključaka organa SDBiH.

VI.4. B GENERALNI SEKRETAR SDBiH

Član 63.

Generalni sekretar SDBiH:

- rukovodi radom sekretarijata u cjelini i odgovara za njegov rad,
- predstavlja sekretarijat SDBiH u skladu sa ovlaštenjima iz Statuta,
- usko saraduje sa Predsjednikom, potpredsjednicima, Predsjedništvom SDBiH, Predsjednikom Glavnog odbora, Predsjednikom Nadzornog odbora, predsjedavajućim radnih tijela SDBiH, kao i šefovima klubova zastupnika SDBiH u parlamentima države, entiteta i kantona,
- stara se o finansijskim prihodima i rashodima SDBiH, i prati novčane tokove,
- posebno se stara o organizacionom jačanju i osposobljavanju organizacija SDBiH,
- priprema opće akte ili izmjene i dopune važećih akata po zahtjevima organa SDBiH,
- stara se o pripremi materijala za sjednice Predsjedništva, Glavnog odbora, Nadzornog odbora i Kongresa SDBiH,
- organizira vođenje zapisnika na sjednicama organa SDBiH,
- zadužen je za uspostavu i vođenje centralne evidencije članstva u SDBiH,
- stara se o distribuciji i provođenju svih općih akata koje donesu organi SDBiH,
- održava saradnju sa medijima, kao i generalnim sekretarima drugih političkih organizacija,
- stara se o provođenju odluka i zaključaka Predsjedništva SDBiH, Glavnog odbora SDBiH, Nadzornog odbora SDBiH,
- koordinira rad sa sekretarima regionalnih/kantonalnih organizacija SDBiH kao i njihovim predsjednicima,
- izvještava organe SDBiH o implemetaciji donešenih odluka i zaključaka,
- stara se o obavljanju svih administrativno-tehničkih poslova za potrebe organa i tijela SDBiH,
- izdaje radne naloge i rukovodi radnim procesima unutar sekretarijata,
- obavlja druge poslove i zadatke koje mu u nadležnost stavi Predsjednik, Predsjedništvo i Glavni odbor SDBiH.

Generalni sekretar za svoj rad odgovara Predsjedniku, Predsjedništvu i Glavnom odboru SDBiH.

Član 64.

Generalnog sekretara SDBiH imenuje i razrješava Glavni odbor SDBiH na period od četiri godine. Za generalnog sekretara SDBiH izabran je kandidat koji dobije natpolovičnu većinu glasova članova prisutnih članova.

U slučaju da generalni sekretar ne obavlja svoje dužnosti i obaveze, Predsjedništvo SDBiH može pokrenuti proceduru razrješavanja generalnog sekretara, o čemu konačnu odluku donosi Glavni odbor.

VI.4. C. SEKRETARIJAT SDBiH

Član 65.

Sekretarijat SDBiH je izvršno i stručno-operativno tijelo Glavnog odbora, Predsjedništva i Predsjednika SDBiH.

Sekretarijatom u cjelini rukovodi i odgovara za njegov rad, generalni sekretar SDBiH.

Generalni sekretar je ovlašten za provođenje, nadzor i implementaciju odluka Glavnog odbora i Predsjedništva SDBiH.

Član 66.

Sekretarijat SDBiH čine generalni sekretar SDBiH, poslovni direktor SDBiH i sekretari zaduženi za pojedina područja rada.

Unutrašnja organizacija sekretarijata formira se prema grupaciji poslova i zadataka koji se obavljaju. Sekretarijat može imati: sekretara za međunarodne odnose, sekretara za PR i odnose sa medijima, sekretara za analitiku, razvoj i informiranje unutar organa, tijela i organizacija SD BiH. Sekretari se imenuju prema potrebi i finansijskim mogućnostima SDBiH.

Član 67.

Nadležnosti, način rada, područje rada Sekretarijata SDBiH definiše se Pravilnikom kojeg na prijedlog generalnog sekretara donosi Predsjedništvo SDBiH.

U Sekretarijatu SDBiH može se zasnovati radni odnos profesionalno, na određeno ili neodređeno vrijeme, o čemu odluku donosi Predsjedništvo SDBiH, u skladu sa finansijskim mogućnostima i potrebama SDBiH.

Član 68.

Svi zaposleni u SDBiH čine radnu zajednicu SDBiH.

Odnosi unutar radne zajednice utvrđuju se općim aktima: Standardima, Normativima, Pravilnicima, koje na osnovu pozitivnih propisa i Statuta SDBiH na prijedlog generalnog sekretara donosi Predsjedništvo SDBiH.

Član 69.

SDBiH ima poslovnog direktora koji rukovodi Radnom zajednicom i stručnom službom SDBiH.

Predsjedništvo SDBiH, na prijedlog generalnog sekretara, imenuje poslovnog direktora.

Poslovni direktor za svoj rad odgovara Predsjedniku SDBiH, generalnom sekretaru i Predsjedništvu SDBiH. Po funkciji je ovlaštena osoba za podnošenje finansijskih izvještaja izornoj komisiji.

Poslovni direktor se koordinirano brine sa generalnim sekretarom o prihodima i rashodima SDBiH, upravlja njenom imovinom, vodi brigu o zaposlenim licima, brine o sticanju, čuvanju i zaštiti imovine, organizira finansiranje aktivnosti SDBiH, te obavlja druge poslove finansijsko-poslovnog karaktera.

Član 70.

Poslovni direktor sa generalnim sekretarom SDBiH koordinira i izrađuje finansijski plan SDBiH za fiskalnu godinu, te koordinira izradu finansijskih planova organizacija SDBiH.

Godišnji finansijski plan SDBiH dostavlja se Predsjedništvu na razmatranje i Glavnom odboru na usvajanje.

Poslovni direktor sa generalnim sekretarom SDBiH izrađuje izvještaj o finansijskom poslovanju SDBiH za proteklu poslovnu godinu i dostavlja ga Predsjedništvu na razmatranje.

Član 71.

Ugovore o sticanju, otuđenju i opterećenju imovine S BiH prije zaključivanja na prijedlog poslovnog direktora i generalnog sekretara odobrava Predsjedništvo SDBiH. Imenovanje Poslovnog direktora vrši se po potrebi i prema finansijskim mogućnostima SDBiH.

VI.5. NADZORNI ODBOR SDBiH

Član 72.

Nadzorni odbor SDBiH sastoji se od pet /5/ članova koje bira i razrješava Kongres na period od četiri /4/ godine.

Nadzorni odbor SDBiH na prvoj konstituirajućoj sjednici, iz reda članova, bira predsjednika i zamjenika predsjednika Nadzornog odbora SDBiH.

Način rada Nadzornog odbora SDBiH se bliže uređuje Poslovníkom o radu Nadzornog odbora, koji donosi Nadzorni odbor.

Član 73.

Nadležnost Nadzornog odbora su:

- nadzire ekonomsko-finansijsko poslovanje SDBiH u cjelini,
- donosi Poslovník o svome radu;
- učestvuju u izradi godišnjeg bilansa stanja i bilansa uspjeha SDBiH,
- kontroliše finansijsko poslovanje svih organizacija SDBiH, općinskih/gradskih, kantonalni i regionalnih organizacija,
- razmatra godišnji finansijski izvještaj SDBiH i daje svoje mišljenje o istom,
- stara se o primjeni zakona i propisa iz oblasti finansijsko-računovodstvenih poslova unutar SDBiH, vrši nadzor rada i statutarnosti odluka organa SDBiH,
- daje preporuke, prijedloge i mišljenja o vođenju i primjeni zakonskih i podzakonskih akata iz oblasti ekonomsko-finansijskog i materijalnog poslovanja SDBiH,
- ocjenjuje zakonitost svih finansijskih odluka i transakcija u SDBiH,
- predlaže angažiranje agencije za vođenje finansijske dokumentacije i finansijskih knjiga SDBiH, u skladu sa finansijskim mogućnostima SDBiH,
- obavlja druge poslove i zadatke iz oblasti ekonomsko-finansijskih poslova, računovodstvenih i knjigovodstvenih poslova, koje mu odredi Predsjedništvo SDBiH,

Član 74.

Najmanje dva člana Nadzornog odbora moraju biti iz reda ekonomskih stručnjaka, koji imaju iskustva u oblasti ekonomsko-finansijskih poslova, revizije i/ili poslova računovođe/knjigovođe.

Nadzorni odbor ima pravo razrješiti člana Nadzornog odbora, koji ne prisustvuje sjednicama ili ne učestvuje u radu Nadzornog odbora.

Umjesto razrješene člana Nadzorni odbor ima pravo kooptirati drugog člana Nadzornog odbora, što se mora verificirati od strane Glavnog odbora SDBiH.

Član 75.

U slučajevima redovne ili vanredne kontrole finansijske dokumentacije u SDBiH i uočavanja bilo kakvih nepravilnosti, Nadzorni odbor je o istim dužan odmah informirati Predsjedništvo SDBiH i Glavni odbor SDBiH.

Nadzorni odbor posebno je dužan pratiti i kontrolirati finansiranje u SDBiH, koje se odnosi na primjenu Zakona o finansiranju političkih stranaka u Bosni i Hercegovini.

Predsjednik Nadzornog odbora obavezno učestvuje u izradi godišnjeg finansijskog izvještaja SDBiH, kao i godišnjeg bilansa stanja i bilansa uspjeha SDBiH.

Predsjednik Nadzornog odbora zadužen je da se svi izvještaji o finansijskom poslovanju dostavljaju u propisanim zakonskim rokovima nadležnim institucijama i organima, posebno one koje se odnose na izvještavanje prema Centralnoj izbornoj komisiji BiH.

Član 76.

Izvještaji o radu Nadzornog odbora SDBiH se najmanje jednom godišnje upućuju na razmatranje Glavnom odboru SDBiH.

Ukoliko Glavni odbor odbije godišnji izvještaj o radu Nadzornog odbora, Nadzorni odbor gubi povjerenje i Glavni odbor u ovom slučaju bira nove članove Nadzornog odbora.

VI. 6. KONVENCIJA SDBIH

Član 77.

Predsjedništvo SDBiH svojom odlukom određuje mjesto, vrijeme i učesnike Konvencije.

Konvencije SDBiH može biti: programska, promotivna i svečana.

Programska konvencija raspravlja o temeljnim pitanjima koja se odnose na BiH i SDBiH.

Promotivna konvencija održava se povodom predstavljanja kandidata SDBiH na izborima za sve nivoje vlasti.

Svečane konvencija održava se povodom obilježavanja značajnih datuma i događaja u BiH.

Konvencija nema nadležnosti koje su ovim Statutom date u nadležnost Kongresa SDBiH.

Član 78.

Delegat Konvencije SDBiH čine:

- članovi Glavnog odbora, Predsjedništva i Nadzornog odbora SDBiH,
- delegati kantonalnih/regionalnih, gradskih/općinskih organizacija čiji se broj određuje Odlukom Predsjedništva SDBiH o sazivanju Konvencije,
- po pet delegata iz formiranih interesnih oblika organizovanja članova SDBiH,
- drugi učesnici, zavisno od teme koju Konvencija razmatra.

Član 79.

Kantonalno, regionalno, gradsko i općinsko Predsjedništvo SDBiH donosi odluku o mjestu, vremenu i učesnicima konvencije na nivou svoje organizacije.

VI. 7. KANTONALNA/REGIONALNA ORGANIZACIJA

Član 80.

Kantonalna/regionalna organizacija je oblik povezivanja organizacija SDBiH u kantonu, odnosno izbornoj jedinici.

Područje kantonalne organizacije SDBiH odgovara, u pravilu, teritorijalnom obuhvatu administrativne ili izborne jedinice.

Kantonalna/regionalna organizacija SDBiH osniva se odlukom Predsjedništva SDBiH, djeluje na osnovu ovlaštenja u skladu sa Statutom i nema svojstvo pravnog lica.

Preduslov za formiranje i uspostavljanje kantonalne/regionalne organizacije je da je u kantonu/regiji gdje se uspostavlja kantonalna/regionalna organizacija formira minimalno dvije gradske/općinske organizacije.

Član 81.

Organi kantonalne/regionalne organizacije SDBiH su:

- Konferencija kantonalne/regionalne organizacije;
- Kantonalni/Regionalni odbor
- Predsjedništvo kantonalne/regionalne organizacije;
- Predsjednik;
- Nadzorni odbor.

Svi organi osim predsjednika donose svoj poslovnik o radu.

Član 82.

Konferenciju kantonalne/regionalne organizacije sačinjavaju delegati koji su izabrani u općinskim organizacijama na predstavničkom načelu, razmjerno ostvarenom izbornom rezultatu, s tim da svaka općinska organizacija mora biti zastupljena s najmanje tri (3), a najviše 30 delegata.

Delegata za kantonalnu/regionalnu konferenciju biraju općinski/gradski odbori SDBiH vodeći računa o nacionalnoj, starosnoj i spolnoj strukturi.

Odluku o kriterijima, broju, načinu izbora delegata za konferenciju kantonalne/regionalne organizacije, donosi Predsjedništvo kantonalne/regionalne organizacije.

Delegati konferencije biraju Predsjednika i članove Kantonalnog/ Regionalnog odbora organizacije.

Član 83.

Izorno-izvještajna Konferencija održava se u pravilu svake četiri godine, a obavezno nakon lokalnih izbora u BiH.

Odluku o sazivanju Konferencije donosi Predsjedništvo kantonalne/regionalne organizacije SDBiH, a Konferencijom predsjedava Predsjednik kantonalne organizacije, do izbora radnog predsjedništva.

Konferencija kantonalne/regionalne organizacije odluke donosi većinom glasova od ukupnog broja delegata konferencije.

Kvorum za održavanje konferencije je prisutnost dvotrećinske većine, od ukupnog broja delegata konferencije.

Ukoliko se na sazvanu konferenciju kantonalne/regionalne organizacije ne odazove potrebna većina za održavanje konferencije iz prethodnog stava, predsjednik kantonalne organizacije otkazuje konferenciju, i ponovo saziva konferenciju, u roku koji ne može biti duži od /deset/ dana. U ovom slučaju kvorum za održavanje konferencije je nadpolovična prisutnost od ukupnog broja delegata konferencije.

U slučaju da se ne obezbijedi kvorum ni u drugom pokušaju, po odredbama prethodnog stava, Predsjedništvo SDBiH ima pravo odlučiti o raspuštanju kantonalne organizacije i donijeti odluku o imenovanju povjerenika i povjereništva.

Kantonalni/regionalni odbor dužan je sazvati kantonalnu/regionalnu konferenciju i na zahtjev najmanje 50% općinskih/gradskih odbora iz sastava kantonalne/regionalne organizacije, najkasnije u roku od 30 dana od dana prijema zahtjeva od strane tih općinskih/gradskih organizacija.

Ukoliko kantonalni/regionalni odbor ne postupi prema prethodnom stavu Predsjedništvo SDBiH može raspustiti kantonalnu/regionalnu organizaciju, uvesti kantonalno/regionalno povjereništvo, i provesti proceduru održavanja konferencije.

Član 84.

Kantonalni/regionalni odbor je najviši organ SDBiH na nivou kantona/regije.

Nadležnosti Kantonalnog/regionalnog odbora SDBiH su:

- donosi Poslovnik o svome radu;
- bira na četiri godine i razrješava članove predsjedništva kantonalne/regionalne organizacije; Potpredsjednike, sekretara i članove Nadzornog odbora.
- donosi programske smjernice u skladu sa Programskom SDBiH vezane za kanton/regiju;
- odlučuje o izvještaju i radu Nadzornog odbora
- raspravlja i odlučuje o povjerenju predsjedništvu i predsjedniku kantonalne/regionalne organizacije.
- provodi Program i Statut i odluke centralnih organa SDBiH;
- podstiče i koordinira aktivnost i saradnju općinskih i gradskih organizacija;
- predlaže kandidate za centralne organe SDBiH;
- predlaže kandidate za opće izbore: članove Predsjedništva BiH, predsjednika i potpredsjednika entiteta;
- predlaže kandidate i utvrđuje listu za svoju izbornu jedinicu za zastupnike SDBiH za opće izbore u Parlamentarnoj Skupštini BiH, Parlamentu Federacije BiH, Narodnoj skupštini Republike Srpske, i kantonalne skupštine;
- predlaže kandidate i potvrđuje izbor kandidata za premijera/ministre u Vladi kantona koji su u sastavu kantonalne/regionalne organizacije,
- imenuje kantonalni izborni štab,
- koordinira lokalne izbore sa predsjednicima općinskih/gradskih izbornih štabova,
- analizira stanje u općinskim/gradskim organizacijama,
- formira radna tijela kantonalne/regionalne organizacije;

Kantonalni/regionalni odbor pri utvrđivanju svojih stavova, donošenju političkih odluka i zaključaka je dužan uvažavati stavove, prijedloge i sugestije općinskih/gradskih odbora SDBiH.

Općinski/gradski odbori SDBiH obavezni su da provode stavove, odluke i zaključke Kantonalnog/regionalnog odbora, koji se odnose na politička, ekonomska, socijalna i druga pitanja na nivou kantona/regije, odnosno koja su u nadležnosti kantona/regije.

Kantonalni/regionalni odbor radi u sjednicama, koje se održavaju najmanje jednom u tri (3) mjeseca, a zakazuje ih predsjednik kantonalne organizacije.

Sjednica se obavezno saziva i po zahtjevu centralnih organa S BiH ili 1/3 članova Kantonalnog/regionalnog odbora .

Na sjednice se obavezno poziva generalni sekretar SDBiH i potpredsjednik SDBiH čije je mjesto prebivališta iz tog kantona/regije.

Kvorum za održavanje sjednica kantonalnog/regionalnog odbora je prisutnost natpolovične većine od ukupnog broja članova kantonalnog/regionalnog odbora.

Kantonalni/regionalni odbor odluke donosi natpolovičnom većinom glasova prisutnih članova kantonalnog/regionalnog odbora na sjednici.

Član 85.

Kantonalno/regionalno predsjedništvo čine: predsjednik, četiri (4) potpredsjednika, sekretar i predsjednici općinskih/gradskih organizacija koji su po funkciji članovi predsjedništva.

Član 86.

Nadležnost Predsjedništva kantonalnog/regionalnog odbora je:

- donosi Poslovnik o svome radu;
- donosi odluku o organiziranju kantonalne/regionalne organizacije, uz prethodnu saglasnost Predsjedništva SDBiH;
- daje saglasnost na godišnji plan rada i godišnji finansijski plan kantonalne organizacije,
- usvaja godišnji izvještaj o radu i finansijski izvještaj podnesene od strane sekretara kantonalne organizacije,
- zauzima političke stavove o pitanjima iz nadležnosti kantona/regije;

- donosi odluku o imenovanju vršioca dužnosti predsjednika kantonalne organizacije u slučaju smjene ili ostavke predsjednika prije isteka mandata;
- potvrđuje kooptiranje članova kantonalnog/regionalnog Predsjedništva kantonalne/regionalne organizacije, u slučajevima kada su aktuelni članovi istupili iz SDBiH, brisani iz evidencije SDBiH, umrli i u drugim slučajevima predviđenim Statutom i odlukama kantonalne/regionalne organizacije;
- provodi odluke i zaključke centralnih organa SDBiH;
- zauzima stavove i daje instrukcije i smjernice za rad zastupnika i premijera/ministara SDBiH u skupštini i/ili vladi kantona;
- vodi i utvrđuje kadrovsku politiku u nadležnosti kantona/regije;
- predlaže liste i kandidate za opće izbore koji se biraju iz izbornih jedinica koje obuhvaća kanton/regija;
- priprema opće dokumente iz nadležnosti kantonalne/regionalne organizacije;
- ovlašćuje potpisnike računa kantonalne/regionalne organizacije,
- predlaže godišnji plan rada i finasijski plan kantonalne/organizacije, a nakon usvajanja istog, odgovara za njegovo provođenje i implementaciju;
- po potrebi donosi revidirani godišnji finasijski plan;
 - Donosi odluke o koaliranju pred izbore i koaliranju radi uspostave vlasti na razini Kantona poštujući opći interes građana kantona, birača i članova SDBiH te smjernice Glavnog odbora SDBiH
- zauzima stavove i daje instrukcije i smjernice za rad zastupnika i premijera/ministara kadrova SDBiH u skupštini i/ili vladi kantona.

Član 87.

U cilju osiguranja jedinstvenog djelovanja SDBiH, predsjedništvo kantonalne/regionalne organizacije je obavezno da svoje političke stavove i zaključke temelji na Programu i Statutu SDBiH i stavovima centralnih organa SDBiH.

Kantonalno/regionalno predsjedništvo pri utvrđivanju svojih stavova, donošenju političkih odluka i zaključaka dužno je da uvažava stavove, prijedloge i sugestije općinskih i gradskih odbora SD BiH.

Općinski i gradski odbori SDBiH obavezni su da provode stavove, odluke i zaključke predsjedništvo kantonalne/regionalne organizacije, koji se odnose na politička, ekonomska, socijalna i druga pitanja na nivou kantona/regije, odnosno koja su u nadležnosti kantona/regije.

Član 88.

Kantonalno/regionalno predsjedništvo radi u sjednicama, koje se održavaju najmanje jednom u dva mjeseca, a zakazuje ih predsjednik kantonalne organizacije.

Sjednica se obavezno saziva i po zahtjevu centralnih organa SDBiH, 1/3 članova predsjedništva kantonalne/regionalne organizacije i najmanje tri općinske organizacije iz sastava kantona/regije.

Na sjednice se obavezno poziva generalni sekretar SDBiH i potpredsjednik SDBiH čije je mjesto prebivališta iz kantona/regije.

Kvorum za održavanje sjednica kantonalnog/regionalnog predsjedništva je prisutnost nadpolovične većine od ukupnog broja članova kantonalnog/regionalnog predsjedništva.

Kantonalno/regionalno predsjedništvo odluke donosi nadpolovičnom većinom glasova prisutnih članova kantonalnog/regionalnog predsjedništva na sjednici.

Član 89.

Predsjednik kantonalnog odbora je ujedno i predsjednik predsjedništva kantonalne/regionalne organizacije.

Ostale nadležnosti i način rada i ovlasti, opoziv predsjednika, potpredsjednika, sekretara , članova Predsjedništva i Nadzornog odbora određuju se Odlukom o organizovanju kantonalne/regionalne organizacije.

Član 90.

Nadzorni odbor kantonalne/regionalne organizacije ima najmanje tri (3) člana o čemu posebnu odluku donosi kantonalni/regionalni odbor.

Nadzorni odbor nadzire statutarnost rada kantonalne organizacije i izabranih organa.

Predsjednik Nadzornog odbora redovno se poziva na sjednice predsjedništva kantonalne/regionalne organizacije.

VI. 8. GRADSKA/OPĆINSKA ORGANIZACIJA SDBiH

Član 91.

Općinska/Gradska organizacija SDBiH je oblik organiziranja članova na području jedinice lokalne samouprave sa statusom grada odnosno općine.

Područje djelovanja općinske/gradske organizacije SDBiH odgovara u pravilu administrativnom-teritorijalnom području općine/grada.

Odluku o osnivanju donosi Predsjedništvo SDBiH na prijedlog Predsjedništva kantonalne organizacije ili generalnog sekretara SDBiH.

Organizacija nema svojstvo pravnog lica i djeluje na osnovu ovlaštenja u skladu sa Statutom SDBiH.

Član 92.

Organi općinske/gradske organizacije SDBiH su:

- Konferencija općinske/gradske organizacije;
- Općinski/gradski odbor;
- Predsjedništvo općinske/gradske organizacije;
- Nadzorni odbor;
- Predsjednik.

Općinsku/gradsku organizaciju predstavlja i zastupa predsjednik općinskog/gradskog odbora, koji je ujedno i predsjednik predsjedništva općinske/gradske organizacije, a u njegovom odustvu ili spriječenosti, potpredsjednik kojeg ovlasti predsjedništvo općinske/gradske organizacije.

Član 93.

Konferenciju općinske/gradske organizacije sačinjavaju delegati koji su izabrani u mjesnim odborima na predstavničkom načelu, razmjerno broju članova po mjesnim odborima i izbornim rezultatima, s tim da svaki mjesni odbor mora biti zastupljena s najmanje dva, a najviše dvadeset delegata.

Delegata za općinsku/gradsku konferenciju biraju mjesni odbori.

Član 94.

Konferencija općinske/gradske organizacije odluke donosi većinom glasova od ukupnog broja prisutnih delegata konferencije.

Kvorum za održavanje konferencije je prisutnost dvotrećinske većine, od ukupnog broja delegata konferencije.

Ukoliko se na sazvanu konferenciju općinske/gradske organizacije ne odazove potrebna većina za održavanje konferencije iz prethodnog stava, predsjednik općinske/gradske organizacije otkazuje konferenciju, i ponovo saziva konferenciju, u roku koji ne može biti duži od deset dana. U ovom slučaju kvorum za održavanje konferencije je natpolovična prisutnost od ukupnog broja delegata konferencije.

U slučaju da se ne obezbijedi kvorum ni u drugom pokušaju, po odredbama prethodnog stava, Predsjedništvo SDBiH ima pravo odlučiti o raspuštanju općinske/gradske organizacije i donijeti odluku o imenovanju povjereništva.

Odluku o kriterijima, broju, načinu izbora delegata za konferenciju općinske/gradske organizacije, donosi općinski/gradski odbor organizacije, uz prethodnu saglasnost Predsjedništva SDBiH.

Izborna Konferencija održava se u pravilu svake četiri godine.

Odluku o sazivanju Konferencije donosi općinski/gradski odbor SDBiH, a Konferencijom predsjedava predsjednik/povjerenik općinske/gradske organizacije, do izbora radnog predsjedništva.

Član 95.

Općinski/gradski odbor dužan je sazvati općinsku/gradsku konferenciju na zahtjev najmanje 50% mjesnih odbora iz sastava općinske/gradske organizacije, najkasnije u roku od šezdeset (60) dana od dana prijema zahtjeva od strane tih mjesnih odbora.

Ukoliko općinski/gradski odbor ne postupi u roku iz st. 1 ovog člana, Predsjedništvo SDBiH može raspustiti organizaciju, uvesti općinsko/gradsko povjereništvo i provesti proceduru sazivanja i održavanja općinske/gradske konferencije.

Član 96.

Nadležnosti općinske/gradske Konferencije SDBiH su:

- donosi Poslovnik o svome radu;
- bira najmanje dvadeset (20) a najviše šezdeset (60) članova općinskog/gradskog odbora, predsjednika i članove nadzornog odbora općinske/gradske organizacije;
- razrješava članove općinskog/gradskog odbora, predsjednika i članove Nadzornog odbora;
- donosi programske smjernice u skladu sa Programskom SDBiH i smjernicama kantonalne/regionalne organizacije vezane za općinu/grad;
- razmatra i usvaja izvještaj o radu Nadzornog odbora;
- razmatra i usvaja izvještaj predsjednika i organa općinske organizacije;

Član 97.

Općinski/gradski odbor je najveći organ SDBiH na nivou Općine/grada između dvije Konferencije. Općinski/gradski odbor čine članovi izabrani na konferenciji i članovi po funkciji (vijećnici, predsjednici foruma).

Članovi općinskog/gradskog odbora po funkciji su svi članovi Predsjedništva i predsjednici mjesnih odbora.

Broj, način kandidiranja i izbora, kao i drugi kriteriji izbora članova općinskog/gradskog odbora koji se biraju, propisuju se odlukom o organiziranju općinske/gradske organizacije.

Član 98.

Nadležnost općinskog/gradskog odbora je:

- donosi Poslovnik o svome radu;

- donosi odluku o organiziranju općinske/gradske organizacije, kao i odluku o organiziranju interesnih organizacija na nivou općine/grada (forum mladih i forum žena), uz prethodnu saglasnost Predsjedništva SDBiH;
- provodi Program i Statut SDBiH, odluke centralnih organa SDBiH i odluke nadležne kantonalne/regionalne organizacije;
- podstiče i koordinira aktivnost i saradnju mjesnih odbora, kao i saradnju sa kantonalnom/regionalnom organizacijom;
- bira delegate za Kongres SDBiH;
- predlaže kandidate za centralne organe, kao i organe kantonalne/regionalne organizacije SDBiH prilikom unutar-stranačkih izbora;
- predlaže kantonalnoj/regionalnoj organizaciji kandidate za opće izbore: članove Predsjedništva BiH, Predsjednika/podpredsjednika entiteta
- predlaže kandidate kantonalnoj/regionalnoj organizaciji za liste zastupnika SD BiH za opće izbore u Parlamentarnoj Skupštini BiH, Parlamentu Federacije BiH, Narodnoj skupštini Republike Srpske, skupštinu kantona, iz svoje općine;
- utvrđuje listu kandidata SDBiH za lokalne izbore za općinsko/gradsko vijeće uvažavajući izborni rezultat ostvaren po mjesnim organizacijama;
- predlaže kandidata za načelnika općine/grada,
 - Donosi odluke o koaliranju pred izbore i koaliranju radi uspostave vlasti na razini općine/grada poštujući opći interes građana, birača i članova SDBiH matične općine/ grada te smjernice Kantonalnog odbora SDBiH
- imenuje općinski/gradski izborni štab,
- provodi naloge kantonalne organizacije prilikom općih i lokalnih izbora,
- provodi odluke političke prirode donešene od strane kantonalne/regionalne organizacije;
- analizira stanje u općinskoj organizaciji;
- formira radna tijela općinske/gradske organizacije;
- daje saglasnost na godišnji plan rada i godišnji finansijski plan općinske/gradske organizacije,
- analizira rad Predsjedništva općinske/gradske organizacije, i usvaja godišnji izvještaj o radu i finansijski izvještaj podnesene od strane Predsjedništva općinske/gradske organizacije,
- razmatra izvještaje i informacije Predsjedništva općinske/gradske organizacije i Nadzornog odbora,
- zauzima političke stavove SDBiH o pitanjima iz nadležnosti općine/grada po prijedlozima i inicijativama Predsjedništva općinske/gradske organizacije;
- donosi odluku o imenovanju vršioca dužnosti predsjednika općinske/gradske organizacije u slučaju smjene ili ostavke predsjednika prije isteka mandata,
- potvrđuje kooptiranje članova općinskog/gradskog odbora i/ili članova Predsjedništva općinske/gradske organizacije, u slučajevima kada su aktuelni članovi istupili iz SDBiH, brisani iz evidencije SDBiH, umrli i u drugim slučajevima predviđenim Statutom i odlukama općinske/gradske organizacije,
- potvrđuje odluke Predsjedništva općinske/gradske organizacije donesene između dvije sjednice općinskog/gradskog odbora.

Član 99.

U cilju osiguranja jedinstvenog djelovanja SDBiH, općinski/gradski odbor je dužan da svoje političke stavove i zaključke temelji na Programu i Statutu SDBiH i stavovima kantonalne organizacije, kao i stavovima koje donese Glavni odbor i Predsjedništvo SDBiH.

Općinski/gradski odbor pri utvrđivanju svojih stavova, donošenju političkih odluka i zaključaka obavezan je da uvažava stavove, prijedloge i sugestije mjesnih odbora, kao i kantonalne/regionalne organizacije.

Općinski i gradski odbori SDBiH obavezni su da provode stavove, odluke i zaključke kantonalnog/regionalnog odbora, koji se odnose na politička, ekonomska, socijalna i druga pitanja na nivou kantona/regije, odnosno koja su u nadležnosti kantona/regije.

Član 100.

Odlukom o organizovanju općinske/gradske, kao i interesne organizacije na nivou općine, detaljno se utvrđuju odnosi, nadležnosti i rad njihovih organa, kao i broj članova općinskog/gradskog odbora i općinskog/gradskog predsjedništva, način njihovog kandidiranja i izbora, u skladu sa ovim Statutom.

Član 101.

Kvorum za održavanje sjednica općinskog/gradskog odbora je prisutnost natpolovične većine od ukupnog broja članova općinskog/gradskog odbora.

Općinski/gradski odbor odluke donosi natpolovičnom većinom glasova prisutnih članova općinskog/gradskog odbora na sjednici.

Član 102.

Predsjedništvo općinske/gradske organizacije SDBiH je izvršno politički organ općinske/gradske organizacije SDBiH.

Općinskom/gradskom organizacijom SDBiH između dvije sjednice općinskog/gradskog Odbora rukovodi Predsjedništvo općinske/gradske organizacije SDBiH.

Član 103.

Predsjedništvo općinske/gradske organizacije sastoji se od:

- predsjednika,
- četiri potpredsjednika
- najmanje deset (10), a najviše dvadeset (20) članova predsjedništva,
- sekretara općinske/gradske organizacije.

Potpredsjednike, sekretara i članove predsjedništva bira i razrješava Općinski/gradski odbor.

Član 104.

Predsjedništvo općinske/gradske organizacije posebno je nadležno za:

- donosi Poslovnik o svom radu,
- vrši pripreme sjednica i utvrđuje dnevni red općinskog/gradskog odbora,
- prvo odluke i zaključke kantonalnog i općinskog odbora, kao i centralnih organa SDBiH
- donosi odluke koje nisu u nadležnosti općinskog/gradskog odbora,
- vodi i utvrđuje krakovsku politiku u nadležnosti općine/grada,
- u hitnim slučajevima Predsjedništvo može donijeti pojedine odluke iz nadležnosti odbora o čemu na narednoj sjednici odbora traži verifikaciju te odluke,
- predlaže sve liste i kandidate za opće izbore koji se biraju iz izbornih jedinica koje obuhvaćaju općinu/grad,
- predlaže listu za općinsko vijeće i načelnika/gradonačelnika općine/grada
- priprema opće dokumente iz nadležnosti općinske/gradske organizacije,
- ovlašćuje potpisnike računa općinske/gradske organizacije,
- predlaže godišnji plan rada i finasijski plan općinske/gradske organizacije, a nakon usvajanja istog, odgovara za njegovo provođenje i implementaciju,
- po potrebi donosi revidirani godišnji finasijski plan, i isti dostavlja općinskom/gradskom odboru,
- predlaže sekretara općinske/gradske organizacije, uz saglasnost odbora općinske/gradske organizacije,

- zauzima stavove i daje instrukcije i smjernice za rad vijećnika/odbornika SDBiH u općinskom/gradskom vijeću, kao i načelniku/gradonačelniku izabranom iz reda SDBiH;
- predlaže sve opće dokumente i akte, koje usvaja ili donosi općinski/gradski odbor.

Član 105.

Predsjedništvo općinske/gradske organizacije radi u sjednicama, koje saziva i kojima rukovodi Predsjednik općinske/gradske organizacije.

Sjednice se održavaju najmanje jednom mjesečno.

Predsjedništvo općinske/gradske organizacije će svojim Poslovníkom propisati način rada, sazivanja sjednica, odlučivanja na sjednicama kao i druga pitanja vezana za rad i odlučivanje na sjednicama Predsjedništva.

Član 106.

Na sjednice Predsjedništva obavezno se, po potrebi, pozivaju predsjednici mjesnih organizacija, vijećnici/odbornici, načelnik/gradonačelnik iz SDBiH, predsjedavajući radnih tijela općinske/gradske organizacije, predsjednik kantonalne/regionalne organizacije, kao i treća lica ili stručnjaci za pojedine oblasti po tačkama dnevnog reda, koji učestvuju u radu Predsjedništva, bez prava glasa.

Po potrebi se na sjednice mogu pozvati i izabrani zastupnici i/ili premijer/ministri, izabrani/imenovani iz reda SDBiH iz matične općine/grada.

Član 107.

Predsjednik općinskog/gradskog odbora je ujedno i predsjednik predsjedništva općinske/gradske organizacije.

Ostale nadležnosti i način rada i ovlasti, opoziv predsjednika, potpredsjednika, članova Predsjedništva i sekretara određuju se Odlukom o organizovanju općinske/gradske organizacije.

Član 108.

Općinska/gradska organizacija može osnovati Sekretarijat općinske/gradske organizacije.

Sekretarijatom u cjelini rukovodi, i odgovara za njegov rad, sekretar općinske/gradske organizacije.

Sekretar za svoj rad odgovara Predsjedništvu i predsjedniku općinske/gradske organizacije.

Sekretar je po funkciji član općinskog/gradskog odbora i predsjedništva općinske/gradske organizacije.

Način rada i nadležnosti sekretarijata i izvršnog sekretara općinske/gradske organizacije propisuju se Pravilnikom o unutrašnjoj organizaciji i radu sekretarijata općinske/gradske organizacije kojeg donosi Predsjedništvo općinske/gradske organizacije.

Sekretar, kao i drugi članovi sekretarijata, mogu zasnovati radno-pravni odnos, o čemu odlučuje Predsjedništvo općinske/gradske organizacije, u skladu sa potrebama i finansijskom situacijom.

Član 109.

Nadzorni odbor općinske/gradske organizacije ima najmanje tri (3) člana o čemu posebnu odluku donosi općinska odnosno gradska konferencija.

Nadzorni odbor nadzire statutarnost rada organizacije i izabranih organa.

Predsjednik Nadzornog odbora redovno se poziva na sjednice općinskog/gradskog odbora i predsjedništva.

VI. 9. MJESNA ORGANIZACIJA

Član 110.

Organi mjesne organizacije su:

- Predsjedništvo mjesne organizacije;
- Predsjednik mjesne organizacije.

Član 111.

U okviru mjesne organizacije formira se predsjedništvo mjesne organizacije SDBiH. Mjesna organizacija odgovara propisanom obuhvatu mjesne zajednice u okviru općine/grada. Ako mjesna organizacija broji manje od dvadeset (20) članova svi članovi SDBiH iz jedne mjesne zajednice su članovi Predsjedništva mjesne organizacije. Ako mjesna organizacija SDBiH broji više od dvadeset (20) članova svi članovi mjesne organizacije vrše izbor Predsjedništva i Predsjednika mjesne organizacije.

Član 112.

Predsjedništvo mjesne organizacije čine: predsjednik, najmanje dva (2), a najviše četiri (4) potpredsjednika, sekretar i najmanje pet (5), a najviše deset (10) članova Predsjedništva. Punopravni članovi Predsjedništva mjesne organizacije su, ako nisu izabrani u Predsjedništvo, predsjednici podružnica za određene kvartove, ulice, sela i zaseoke, kao i predsjednici interesnih organizacija.

Za predsjednika i članove Predsjedništva mjesne organizacije izabrani su oni kandidati koji dobiju natpolovičnu većinu glasova od ukupnog broja članova. U slučaju da kandidati ne dobiju potrebnu većinu glasova, u roku od najkasnije sedam (7) dana ponavlja se glasanje. U drugom krugu izabrani su oni kandidati koji dobiju većinu glasova od broja članova koji su pristupili glasanju.

Član 113.

Predsjedništvo mjesne organizacije:

- sastaje se najmanje jednom u dva mjeseca;
- donosi Poslovnik o radu Predsjedništva mjesne organizacije;
- raspravlja o aktuelnom problemima mjesne zajednice i općine/grada;
- podstiče stranačko i interesno organizovanja članova u mjesnoj zajednici;
- predlaže kandidate za organe SDBiH na gradskom/općinskom nivou;
- predlaže kandidate za gradsko/općinsko vijeće i gradonačelnika/načelnika;
- predlaže i utvrđuje listu kandidata za organe mjesne zajednice i predstavnike u komisijama i savjetima općine/grada;
- provodi kampanju na području svoje mjesne zajednice;
- analizira realizaciju zaključaka Predsjedništva mjesne organizacije;
- formira u gradskim sredinama pododbore mjesne organizacije za posebne kvartove i ulice;
- formira u seoskim mjesnim zajednicama pododbore mjesne organizacije za sela i zaseoke;
- formira interesne organizacije na teritoriji mjesne zajednice;
- vodi evidenciju članova SDBiH u mjesnoj zajednici i radi na omasovljenju članstva;
- pomaže socijalno ugroženim članovima SDBiH, u skladu sa mogućnostima;
- organizira ekološke i druge radne akcije u mjesnim zajednicama;
- organizira druženja i ekskurzije članova i simpatizera SDBiH;
- obavlja i druge poslove koje mu povjere općinski/gradski ili viši organi SDBiH.

Član 114.

Predsjednik mjesne organizacije ujedno je i predsjednik Predsjedništva mjesne organizacije. Predsjednik mjesne organizacije saziva i vodi sjednice Predsjedništva mjesne organizacije i brine o provođenju odluka, te u skladu sa ovlaštenjima predstavlja mjesnu organizaciju. Predsjednik mjesne organizacije podnosi Predsjedništvu općinske/gradske organizacije, najmanje jednom u šest mjeseci, pisani izvještaj o svom radu.

Član 115.

U mjesnim zajednicama u kojima ne postoje uslovi za formiranje Predsjedništva mjesne organizacije SDBiH općinsko/gradsko predsjedništvo je dužno imenovati povjerenika i povjereništvo kome je osnovno pravo i obaveza stvaranja uslova za osnivanje organizacije.

Član 116.

Mjesna organizacija i organi ove organizacije mogu biti raspušteni ako:

- ne izvršavaju obaveze propisane Statutom SDBiH ili radi suprotno odredbama Statuta;
- ne provode odluke viših organa SDBiH;
- prave loše izborne rezultate u odnosu na postavljene izborne ciljeve;
- imaju narušene odnosa u organima mjesne organizacije, koji onemogućavaju kvorume za održavanje sjednica organa,
- uzrokuju i druge slučajeve kršenja Statuta i Programa SDBiH.

Član 117.

Odluku o raspuštanju mjesne organizacije donosi Predsjedništvo općinske/gradske organizacije i ona stupa na snagu danom donošenja.

Danom stupanja na snagu odluke o raspuštanju mjesne organizacije, raspušteni su svi organi te mjesne organizacije.

Mjesna organizacija, odnosno bilo koji organ mjesne organizacije, ima pravo žalbe na odluku o raspuštanju mjesne organizacije.

Žalba se, putem sekretara općinske/gradske organizacije, podnosi Općinskom/gradskom odboru SDBiH, najkasnije u roku od sedam (7) dana od dana usvajanja odluke.

Žalba na odluku o raspuštanju mjesne organizacije ne odlaže njenu primjenu.

Žalbu razmatra Općinski/gradski odbor SDBiH, najkasnije u roku od trideset (30) dana, od dana prijema žalbe.

Odluka Općinskog/gradskog odbora po žalbi je konačna.

VI. 10. ORGANIZACIJA SDBiH U GRADU SARAJEVU

Član 118.

Odredbe ovog Statuta koje regulišu pitanja organizacije i funkcioniranja gradskih organizacija zbog specifičnosti organizovanja ne odnose se na Grad Sarajevo.

VI. 11. SAVJETI I RADNA TIJELA PREDSJEDNIŠTVA SDBiH

Član 119.

Savjeti su stručna savjetodavna tijela Predsjedništva SDBiH, a osnivaju se za pojedina područja javnih politika koja su posebno važna za političku djelatnost SDBiH.

Predsjedništvo svojom odlukom formira i imenuje svoje savjete u skladu sa potrebama SDBiH, te regulira njihov broj i način rada.

Predsjedništvo SDBiH odlukom može formirati svoja radna tijela za praćenje određenih pitanja, sugerisanje stavova i obilježavanje važnih datuma i događaja.

Predsjedništvo svojom odlukom formira i imenuje svoja radna tijela, te regulira njihov broj i način rada.

Član 120.

Kantonalne/regionalne, gradske/općinske organizacije mogu osnivati svoje savjete, kao stručna savjetodavna tijela pripadajućeg nivoa organizovanja.

Odluku o osnivanju, sastavu, sadržaju njihovog rada donose kantonalna/regionalna, gradska i općinska predsjedništva SDBiH.

VII - KANDIDIRANJE NA IZBORIMA I UČEŠĆE U IZVRŠNIM I ZAKONODAVNIM NIVOIMA

Član 121.

Svaki član SDBiH ima pravo biti kandidiran za liste na izborima na svim nivoima, gdje učestvuje SDBiH.

Kompletna procedura od kandidiranja kandidata za liste, do utvrđivanja konačnih izbornih listi SDBiH, na svim nivoima gdje SDBiH učestvuje na izborima, mora biti u skladu sa rokovima i odredbama Izbornog zakona BiH i općim aktima CIK BiH.

Utvrđene liste potpisuje Predsjednik SDBiH i iste se dostavljaju nadležnom državnom organu.

Član 122.

Predsjedništvo SDBiH donosi Pravilnik o kriterijima i načinu predlaganja kandidata za:

- člana Predsjedništva BiH,
- Zastupnički dom Parlamentarne Skupštine BiH, po izbornim jedinicama,
- Zastupnički dom Parlamenta Federacije BiH, po izbornim jedinicama,
- Predsjednika/zamjenika Republike Srpske,
- Narodnu Skupštinu Republike Srpske, po izbornim jedinicama,

Glavni odbor, na prijedlog Predsjedništva SDBiH, a po provedenoj proceduri iz Pravilnika iz stava 1. ovog člana, potvrđuje izborne liste SDBiH za opće i lokalne izbore za zakonodavna tijela iz prethodnog stava.

Član 123.

Predsjedništvo SDBiH utvrđuje kandidate SDBiH za delegate SDBiH u domovina naroda za parlament države i parlamente entiteta.

Član 124.

Predsjedništva kantonalnih organizacija donose Pravilnik o kriterijima i načinu predlaganja kandidata i utvrđivanju listi SDBiH za skupštine kantona.

Predsjedništva kantonalne organizacije po provedenoj proceduri iz Pravilnika iz stava 1. ovog člana, utvrđuje prijedlog izborne liste SDBiH za skupštinu kantona.

Utvrđene liste dostavljaju se Predsjedništvu SDBiH, koje potvrđuje konačne liste za skupštine kantona.

Predsjedništvo SDBiH može tražiti korekciju predložene liste, i obaviti konsultacije sa predsjedništvom kantonalne organizacije.

Član 125.

Predsjedništva općinskih/gradskih organizacija donose Pravilnik o kriterijima i načinu predlaganja kandidata i utvrđivanju prijedloga listi kandidata SDBiH za općinska/gradska vijeća i načelnike/gradonačelnike općina.

Predsjedništva općinskih/gradskih organizacija, na prijedlog predsjednika općinske/gradske organizacije, a po provedenoj proceduri iz Pravilnika iz stava 1. ovog člana, utvrđuje prijedlog izborne liste SDBiH za općinska/gradska vijeća i načelnike/gradonačelnike.

Utvrđeni prijedlog liste dostavljaju se Predsjedništvu SDBiH i Predsjedništvu kantonalne/regionalne organizacije.

Predsjedništvo kantonalne/regionalne organizacije može dostaviti i svoje prijedloge kandidata za načelnika/gradonačelnika, i uputiti ih Predsjedništvu SDBiH.

Predsjedništvo SDBiH donosi konačnu odluku o kandidatu SDBiH za gradonačelnika/načelnika i utvrđuje konačnu listu za općinsko vijeće.

Predsjedništvo SDBiH također može tražiti korekciju utvrđene liste za općinsko vijeće, i obaviti konsultacije sa predsjedništvom općinske organizacije.

Član 126.

Kandidate za premijera/ministre u Vijeću ministara BiH, vladama entiteta, premijere i ministre u vladama kantona, te kandidate za predsjednika/podpredsjednika Federacije BiH, u slučajevima učešća u izvršnoj vlasti SDBiH, imaju pravo predlagati:

- Predsjednik SDBiH;
- Predsjedništvo SDBiH;
- Članovi rukovodstva Glavnog odbora SDBiH;
- Predsjedništva kantonalnih/regionalnih organizacija.

Predsjedništvo SDBiH donosi konačnu odluku o kandidatima za pobrojane funkcije u izvršnoj vlasti.

Član 127.

Kandidate za premijera/ministre u vladi kantona, u slučajevima učešća u izvršnoj vlasti i SDBiH imaju pravo predlagati:

- Predsjedništvo SDBiH;
- Predsjednik kantonalne organizacije,
- Predsjedništvo kantonalne organizacije,
- predsjedništva općinskih organizacija iz sastava kantona,
- predsjedništva mjesnih organizacija iz sastava kantona.

Odbor kantonalne organizacije odlučuje o izboru kandidata za ministre u vladi kantona i dostavlja ih Predsjedništvu SDBiH na potvrđivanje.

Član 128.

Članovi SDBiH u zakonodavnim, predstavničkim i organima izvršne vlasti stvaralački iniciraju aktivnosti i zauzimaju stavove po svim pitanjima, sa stanovišta relevantnih programskih i drugih stavova SDBiH, kao i odgovarajuće rasprave među članstvom organizacije na terenu.

Nosioci javnih funkcija ispred SDBiH dužni su izgrađivati i čuvati vlastiti javni i politički integritet, kao i ugled SDBiH.

Član 129.

Članovi SDBiH koji ostvaruju dodatne prihode po osnovu vršenja zastupničkih i drugih funkcija dužni su izdvajati dio ovih primanja za SDBiH u skladu sa odlukom organa SDBiH.

Član 130.

Ukoliko izabrani zvaničnici SDBiH u izvršnim i/ili zakonodavnim tijelima ne obavljaju svoju funkciju u skladu sa odredbama Statuta, Programa SDBiH i/ili ne provode odluke i političke smjernice organa SDBiH koji su ih kandidirali i/ili imenovali na funkciju, nadležni organ SDBiH može pokrenuti postupak za opoziv sa funkcije i/ili zamjenu.

Ukoliko se radi o izabranom zastupniku/vijećniku ili načelniku/gradonačelniku, isti će se pozvati da mandat vrati SDBiH i odstupi sa funkcije u korist slijedećeg kandidata sa izborne liste SDBiH, a ukoliko odbije, SDBiH ima pravo isključiti takvog člana iz svoga članstva, i javno se ograditi od njegovog djelovanja.

Član 131.

Predsjedništvo SDBiH ima pravo opozvati svakog izabranog kandidata ispred SDBiH, u izvršnoj ili zakonodavnoj vlasti, na svim nivoima od općine/grada, Brčko Distrikta, kantona, entiteta i države BiH.

Član 132.

Zastupnici/vijećnici SDBiH, u skladu sa odgovarajućim općim aktom (statut, poslovnik i sl.) zakonodavnog tijela u koji su izabrani, formiraju klub zastupnika/vijećnika SDBiH radi usklađivanja svog djelovanja, zauzimanja stavova i vođenja parlamentarne akcije.

Nezavisni zastupnici u zakonodavnom tijelu mogu po sopstvenoj želji biti članovi kluba zastupnika/vijećnika SDBiH o čemu klub zastupnika/vijećnika donosi posebnu odluku.

Klub zastupnika/vijećnika SDBiH donosi poslovnik o svom radu.

Član 133.

Članovi kluba zastupnika/vijećnika SDBiH biraju predsjednika i zamjenika predsjednika kluba iz reda zastupnika/vijećnika članova SDBiH, uz prehodnu saglasnost nadležnog predsjedništva SDBiH.

Predsjednik kluba zastupnika/vijećnika SDBiH rukovodi radom kluba zastupnika/vijećnika i dužan je redovno izvještavati predsjedništvo odgovarajuće organizacije SDBiH o radu kluba.

Organ iz prethodnog stava je dužan razmotriti sva pitanja koja pred njega iznese klub zastupnika/vijećnika SDBiH.

Član 134.

U radu kluba zastupnika/vijećnika SDBiH učestvuju nosioci izvršne vlasti ispred SDBiH, a po potrebi i predstavnici nadležnog predsjedništva SDBiH.

U cilju provođenja programskih i političkih inicijativa, nadležno predsjedništvo SDBiH, odnosno nosioci izvršne vlasti ispred SDBiH, mogu inicirati sastanak kluba zastupnika/ vijećnika SDBiH.

Član 135.

Klub zastupnika SDBiH obavezan je provoditi odluke i smjernice predsjedništva odgovarajuće organizacije SDBiH.

Član 136.

Predsjedništvo SDBiH koordinira rad Kluba zastupnika (ili zastupnika ako nije formiran Klub) u zakonodavnim tijelima države BiH i entiteta, uz učešće premijera/ministara iz reda SDBiH, u vladama ovih nivoa, u cilju ostvarivanja politike SDBiH i pokretanja inicijativa.

Predsjedništvo kantonalne/regionalne, odnosno općinske/gradske organizacije, koordinira rad kluba zastupnika, odnosno kluba vijećnika, održavanjem sjednica, uz učešće predsjednika kluba zastupnika SDBiH, odnosno kluba vijećnika SDBiH, nosilaca funkcija u zakonodavnoj i izvršnoj vlasti i predsjednika općinskih organizacija u cilju ostvarivanja politike SDBiH i pokretanja inicijativa.

Član 137.

Pravilnikom o kriterijima i načinu predlaganja kandidata i utvrđivanja prijedloga listi kandidata SDBiH za sve nivoe zakonodavne i izvršne vlasti ograničiće se mogućnost kandidovanja člana SDBiH za izbornu ili imenovanu funkciju za najviše dva uzastopna mandata.

VIII – IMOVINA, STICANJE, KORIŠTENJE I RASPOLAGANJE SREDSTVIMA SDBiH

Član 138.

Imovinu SDBiH čine nekretnine i pokretne stvari, sredstva na računima, kao i prava kojih je titular SDBiH ili neki od njegovih prethodnika.

Vlasnička ovlaštenja na nekretninama ima samo SDBiH.

Nekretnine se mogu sticati ili otuđivati samo po odluci Predsjedništva SDBiH.

Član 139.

Finansijska politika SDBiH se zasniva na slijedećim načelima:

- finansijska politika je sastavni dio ukupne politike SDBiH;
- svrha finansijske politike SDBiH je da osigura materijalnu osnovu partijskih akcija i političku suverenost SDBiH, kako u odnosu na pojedince i grupe tako i u odnosu na državu;
- niko nema pravo, ni pojedinac ni organ, da obavlja takve finansijske transakcije koje bi ugrozile nezavisnost SDBiH ili je dovele u poziciju pružanja političkih koncesija;
- U SDBiH se ne mogu kupovati funkcije i položaj, svi su članovi ravnopravni, neovisno o njihovoj privatnoj materijalnoj moći, i pod istim uvjetima su im dostupne sve funkcije u SDBiH.

Član 140.

Na osnovu prijedloga iz teritorijalnih organizacija SDBiH Predsjedništvo odlukom utvrđuje kriterije i način sticanja, raspolaganja, upravljanja, korištenja i raspodjele materijalnih sredstava u SDBiH na svim nivoima organizacije SDBiH, sa ciljem da se obezbijede materijalna sredstva za osnovno funkcioniranje teritorijalnih organizacija.

Predsjedništvo SDBiH, odlukom iz stava 1. ovog člana, može utvrditi da se finansijsko poslovanje vrši preko jednog računa u cilju efikasnijeg ostvarivanja aktivnosti.

Nalozi banci za finansijske transakcije sa žiro-računa SDBiH se potpisuju sa najmanje dva potpisnika koje odlukom ovlašćuje Predsjedništvo SDBiH, od kojih je jedan obavezno generalni sekretar.

Predsjedništvo može odrediti više potpisnika.

Teritorijalne organizacije mogu imati svoje pod račune u okviru računa SDBiH, kod iste poslovne banke.

Član 141.

SDBiH stiže sredstva od članarine, dobrovoljnih priloga, donacija, dotacija, poklona, zavještanja, budžeta državnih-teritorijalnih jedinica, prihoda od imovine i vlastite privredne djelatnosti, kao i iz drugih izvora, u skladu sa zakonom.

Član 142.

Predsjedništvo SDBiH, uz konsultacije sa teritorijalnim organizacijama SDBiH, svakih šest mjeseci provodi unutar SDBiH finansijsko izravnavanje, u cilju razvijanja političkog rada i finansijske pomoći organizacijama kojima je to potrebno.

Član 143.

Dobrovoljne priloge, poklone i zavještanja SDBiH prihvata u skladu sa pozitivnim zakonima i ako se time neće kompromitirati na bilo koji način.

Za davanje izjava o prihvatanju iz prethodnog stava nadležno je rukovodstvo organizacije u kojoj je poklon, dobrovoljni prilog ili zavještanje učinjeno, a ako se radi o nekretninama Predsjedništvo SDBiH.

Dobrovoljni prilozi i donatorstva se precizno evidentiraju i za taj dio posla odgovoran je generalni sekretar. O svim priložima i donatorstvima generalni sekretar je dužan da najmanje jednom u devedeset (90) dana pismeno informiše Predsjednika i po potrebi i Predsjedništvo SDBiH.

Član 144.

Predsjedništvo SDBiH, na prijedlog generalnog sekretara, utvrđuje prijedlog finansijskog plana za poslovnu godinu, kojim se planiraju prihodi i rashodi na nivou SDBiH, za sve njene organe, tijela i teritorijalne organizacije, i dostavlja ga Glavnom odboru na razmatranje i usvajanje.

Predsjedništvo SDBiH nadležno je za provođenje Godišnjeg finansijskog plana, a u slučajevima značajnog povećanja ili umanjenja prihoda ili rashoda istog, može dostaviti prijedlog Glavnom odboru za izmjene i dopune (rebalans).

IX NAUČNA, INFORMATIVNA I IZDAVAČKA DJELATNOST

Član 145.

Glavni odbor SDBiH je nosilac zakonskih prava i obaveza u pogledu autorskih, izdavačkih, intelektualnih i srodnih prava.

Glavni odbor SDBiH donosi odluku o naučno-istraživačkoj djelatnosti organizacija u SDBiH, kao i o formiranju političke akademije SDBiH.

Politička akademija može imati svojstvo pravnog lica, o čemu odlučuje Glavni odbor.

Odluke o osnivanju javnog glasila i izdavačkoj djelatnosti SDBiH, te o drugim oblicima informativne djelatnosti, donosi Predsjedništvo SDBiH.

Član 146.

Organi i tijela SDBiH, kao i teritorijalne organizacije, mogu organizirati, provoditi i učestvovati u svim oblicima humanitarnih aktivnosti, u skladu sa važećim propisima.

X – UDRUŽIVANJE U SAVEZE I DRUGE OBLIKE POLITIČKIH UDRUŽIVANJA

Član 147.

Radi ostvarivanja političkih ciljeva SDBiH može ulaziti u odgovarajuće oblike udruživanja sa drugim političkim organizacijama ili subjektima, u predizborne ili postizborne saveze, partnerstva i/ili koalicije.

SDBiH može se učlanjivati u međunarodne političke organizacije, čiji su ciljevi slični ciljevima i programu SDBiH.

Član 148.

SDBiH može ostvarivati saradnju sa drugim političkim organizacijama u zemlji i inozemstvu, i u tu svrhu osnivati zajednička, stalna i povremena tijela za međustranačku saradnju.

Član 149.

Odluku o udruživanju ili učlanjivanju u saveze i druge oblike udruživanja političkih subjekata donosi Glavni odbor SDBiH, na prijedlog Predsjedništva SDBiH.

Glavni odbor može po ovom pitanju prenijeti svoja ovlaštenja na Predsjedništvo SDBiH.

XI PRESTANAK RADA SDBiH

Član 150.

Odluku o prestanku rada SDBiH, ujedinjenjem sa drugim političkim subjektima ili o potpunom prestanku rada može donijeti Kongres SDBiH, na prijedlog Glavnog odbora ili Glavni odbor dvotrećinskom većinom na prijedlog Predsjedništva SDBiH.

Član 151.

U slučaju donošenja odluke o prestanku rada SDBiH, Kongres je dužan donijeti i odluku o raspodjeli imovine SDBiH.

XII NAČIN DONOŠENJA STATUTA I NJEGOVIH IZMJENA I/ILI DOPUNA

Član 152.

Ovaj Statut donosi Osnivačka skupština.

Izmjene i/ili dopune Statuta donosi Kongres SDBiH, na način i po proceduri koje su propisane ovim Statutom.

Iznimno, za period od Osnivačke skupštine do prvog Redovnog Kongresa ovlašćuje se Radna grupa za izradu statuta da može predložiti izmjene i dopune Statuta SDBiH radi otklanjanja tehničkih nedostataka, nedosljednosti, nepotpunosti i nejasnoća pojedinih odredbi i slično. Ove izmjene i dopune svojom odlukom usvaja Glavni odbor SDBiH.

Član 153.

Izvornik ovog Statuta, potpisuje predsjedavajući radnog predsjedništva Osnivačke skupštine SDBiH.

XIII TUMAČENJE STATUTA

Član 154.

Tumačenje Statuta ili pojedinih njegovih odredbi daje Glavni odbor SDBiH, na prijedlog Komisije za statutarna pitanja.

Komisija iz prethodnog stava broji najmanje tri (3), a najviše sedam (7) članova i u njenom sastavu će biti i stručnjaci iz oblasti prava.

Član 155.

Komisija iz prethodnog člana razmatra predstavke, žalbe i zahtjeve centralnih i/ili organa teritorijalnih organizacija SDBiH, kada se poziva na kršenje ili povredu Statuta, ili traži autentično tumačenje pojedinih odredbi Statuta SDBiH.

XIV PRELAZNE I ZAVRŠNE ODREDBE

Član 156.

Osnivačka skupština će svojom odlukom imenovati:

- ovlašteno lice za predstavljanje i zastupanje političke organizacije SDBiH pred nadležnim registracijskim odjelom općinskog suda, kao i za poduzimanje svih drugih neophodnih pravnih radnji u cilju registracije i stavljanja u funkciju političke organizacije, i
- lice ovlašteno za predstavljanje i zastupanje SDBiH, u funkciji Predsjednika.

Član 157.

Osnivačka skupština će izabrati članove Glavnog odbora u prvom sazivu čiji će broj biti najmanje pedeset (50), a koji se može povećati u skladu sa uspostavljanjem i razvijanjem unutrašnje organizacije i infrastrukture SDBiH.

Osnivačka skupština bira pet (5) članova Nadzornog odbora.

Na prvoj sjednici Glavnog odbora SDBiH izvršit će se izbor predsjednika i potpredsjednika Glavnog odbora, potpredsjednika, Generalnog sekretara i članova Predsjedništva SDBiH u prvom sazivu čiji broj se može proširiti u skladu sa članom 49. ovog Statuta.

Član 158.

Ovaj Statut stupa na snagu danom usvajanja na Osnivačkoj skupštini SDBiH održanoj 07.09.2019. godine u Tuzli, a primjenjuje se od dana upisa u registar političkih organizacija kod nadležnog općinskog suda.

**PREDSJEDAVAJUĆI
OSNIVAČKOM SKUPŠTINOM SDBiH
Tomo Vidović**

(Rješenjem Općinskog suda u Tuzli broj: 032-0-Reg-19-001341, od 25.09.2019. godine, Politička organizacija **Socijaldemokrate Bosne i Hercegovine upisana je u jedinstveni registar političkih organizacija u knjigu I, pod rednim brojem 1** od 25.09.2019. godine.)

(Odlukom Glavnog odbora SDBiH sa 1. sjednice održane 20.10.2019. godine, a na osnovu člana 152. Statuta, POTVRĐEN je ovaj usklađeni tekst Statuta SDBiH).